

萬 有 文 庫

第 二 集 七 百 種

王 雲 五 主 編

萬 曆 重 修 二 百 二 十 八 卷 本

明 會 典

(三 十)

申 時 行 等 重 修

商 務 印 書 館 發 行

萬有文庫

第二集七種



商務印書館發行

公用圖書
愛惜使用

6476
23
v.13

萬曆重修二百二十八卷
明會典
(三十)

中華書局發行

空軍軍官學校圖書館

登錄號 7141

類號 043.12 / 5062

國家圖書館叢書



國家圖書館



005474351

明會典卷之四十八 禮部六

【册立三】

【親王册立儀】

凡親王册立。洪武初。皇帝預告太廟。及期臨軒拜册。年幼者則遣官保抱以從事。成化末年更定。卽日告內殿。廷遣節使就各王府册立之。罷預告臨軒之禮。

洪武三年定

前期擇日奏告太廟。至日設寶册案五座于殿中。寶册亭十座于丹陛上之東。皇太子侍立於御座之東。諸王拜位於丹陛上。及御座前。俱北面。其餘陳設侍衛執事俱與册東宮儀同。是日早。百執事各就位。鼓三嚴。侍儀奏中殿。皇帝於謹身殿具袞冕。皇太子於奉天門具冕服。親王各具九章冕服。引班分引文武百官入侍立位。侍儀版奏外辦。皇帝出御奉天殿。尙寶卿捧寶及導從奏樂如常儀。鳴鞭司晨報時訖。引進四人引皇太子。引禮四人引親王。俱由奉天門東入。樂作。陞自東陛。皇太子由殿東門入。引進立候於門外。內贊接引至侍立位。親王入至丹墀拜位。引禮分立于左右。樂止。捧受册寶。內使由西陛陞。俱入就丹陛立位。知班于丹墀中唱班齊贊禮于丹陛上。贊鞠躬。樂作。再拜。樂止。內贊贊承制官跪承制訖。由

殿中門出。立于中門外。稱有制。贊禮贊親王皆跪。宣制云。封皇子某爲某王。某爲某王。皇從孫某爲某王。畢。贊諸王皆俯伏。興。承制官由殿西門入。跪於殿中。奏傳制畢。復位。贊禮贊諸王鞠躬。樂作。再拜。樂止。贊禮贊行禮。引禮引秦王由殿東門入。樂作。引禮立於門外。內贊接引秦王入。至御座前拜位。樂止。內贊贊跪。贊受冊寶。捧冊寶官於案前跪。捧冊授讀冊官。內贊贊讀冊。讀冊官跪讀冊訖。以冊授丞相。丞相搢笏受冊。內贊贊搢圭。贊受冊。丞相以冊跪授秦王。捧受冊寶。內使跪於王西。捧冊興。立於王西。捧冊寶官又於案前跪。捧寶授讀寶官。內贊贊讀寶。讀寶官跪讀寶訖。以寶授丞相。丞相捧寶跪授秦王。捧受冊寶。內使跪于王西。捧寶興。立于捧冊內使之下。內贊贊出。俯伏。興。贊復位。引禮引秦王出。樂作。內使捧冊寶前導。出至殿東門。引禮引秦王復位。樂止。內使以冊寶置于冊寶亭盪匣中。退立於丹陛之東。引禮引以次諸王俱入殿受冊寶。并內使捧受。皆如上儀。畢。贊禮贊秦王以下皆鞠躬。樂作。四拜。樂止。內使昇親王五位冊寶亭前行。引禮導王俱由東階降。樂作。奉迎冊寶官奉迎出奉天門東。樂止。時齊澗趙魯四王年幼。遣官齎冊寶授之。其儀。內贊贊承制官稍前。丞相前立于殿西。內贊贊丞相跪承制訖。讀冊寶官捧四王冊寶俱由中門出。內使昇冊寶亭至丹陛中。讀冊讀寶官以冊寶置于盪匣中。執事昇冊寶亭前行。授冊寶官丞相一同由中階降。讀冊寶官由西門入殿復位。捧受冊寶。內使四人由西階降。從丞相由丹陛轉。護身殿之東。進至王宮門外。冊寶亭暫駐于門外正中。內使監官出迎于冊寶亭西南。跪。東北向。授冊

寶官丞相東北立，西南向，稱有制。宣制曰：封皇子某爲某王，某爲某王，畢。授冊寶官丞相出，內使監官迎冊寶入宮中，授冊寶官丞相由王宮門出，至奉天殿前丹墀西，轉由西階陞自西門入殿，跪云：宣制訖。俯伏，興，引禮引靖江王至御座前，跪受冊寶，出復位。四拜，由東階降，奉迎冊寶出奉天東門，並如秦晉等儀。禮部尙書跪奏：詔書用寶，詣案捧詔書，尙寶卿用寶，以詔書置于案。禮部尙書跪奏：捧詔赴午門，開讀。興，捧詔由中門出，樂作，降自中階，授冊寶丞相，等官由西門出，降自西階，文武百官迎詔書，開讀於午門外。頒行俱如常儀。侍儀奏：禮畢。鳴鞭，皇帝興，樂作，還宮，引進入東門，至殿上，導皇太子出，樂止。是日所司備鼓樂，儀衛司備儀仗，于奉天門西右順門東伺候。親王受冊寶畢，出至奉天門，引禮引親王詣東耳房伺候於中宮行禮。內使昇冊寶亭東門出，由西道，儀仗鼓吹前行，送至親王殿，各以序奉安于殿內。

親王年幼受冊寶儀

受冊之日，內使監官陳設香案於內殿正中，設保抱抱王受冊位于香案之南，設授冊寶內使監官位于香案之東，捧受冊內使位于保抱抱王受冊位之西，捧受寶內使位于捧受冊內使之南。司贊二人位于保抱抱王受寶位之東西，丞相奉迎冊寶至王宮門外，內使監官跪聽制訖，丞相出，內使監官迎冊寶亭入宮中，置于香案之北，保抱抱王由東門入，樂作，至香案前受冊位北面立，樂止。司贊贊行冊禮，內使監官前立，稱有制。內贊贊保抱抱王皆跪，內使監官宣制曰：今封皇子某爲某王，某爲某王，畢。內贊贊保抱

抱王與繼贊授冊寶司賓引保抱一人抱王前立授冊寶監官詣案取冊捧授于保抱保抱受冊以授于捧受冊內使內使跪于保抱之左受冊興退立于西授冊寶監官又詣案取寶捧授于保抱保抱受寶以授于捧受寶內使內使跪於保抱之左受寶興退立于西以次受冊寶皆如上儀內贊贊禮畢樂作司賓引保抱抱王退樂止執事各以冊寶奉置亭中

朝謝中宮

與皇太子受冊朝謝儀同

謝東宮

親王受冊之日內使監官陳設皇太子座于東宮侍儀司設親王拜位于殿庭階上及殿上正中贊禮二人位於殿庭王拜位之東西內贊二人位于殿內王拜位之東西文武官侍立位于殿庭東西將軍六人位于殿門之左右拱衛司設儀仗于殿庭之左右樂工設樂于宮門之外親王于中宮行禮畢引禮引親王便服至東宮門外西向立引進引皇太子便服出宮樂作陞殿樂止引禮引諸王由東階陞樂作至殿庭階上拜位樂止贊禮唱鞠躬拜樂作四拜樂止引禮引秦王由殿東門入樂作引禮立于門外內贊接引秦王至殿內拜位樂止內贊贊禮同唱俯伏秦王以下皆跪秦王恭謝曰小弟某等茲受封冊謹詣皇太子長兄殿下恭謝謝畢內贊贊禮同唱俯伏與平身引禮引秦王由東門出樂作復位樂止贊禮唱鞠躬

拜樂作四拜樂止贊禮唱禮畢引進啓禮畢皇太子興樂作還宮樂止引禮引親王以次出

親王自行賀及百官賀諸王

親王受冊之日儀衛司於西宮親王殿依親王長幼陳設座位侍儀司設文武官陪立位于殿庭之東西拜位于庭中文東武西內贊二人位于殿內東西相向拱衛司陳設親王儀仗于殿前之東西樂工陳樂于殿庭之南贊禮贊各就位親王於東宮行禮畢引禮引親王便服入殿門樂作陞座樂止文武官入立于殿庭之東西引禮引晉王以下詣秦王前行禮贊禮唱鞠躬晉王以下皆鞠躬樂作四拜樂止引禮引以次親王行禮皆如賀秦王儀贊禮唱禮畢引禮引文武官入就拜位贊禮唱鞠躬樂作四拜樂止引禮引丞相由西門入引禮立于門外丞相至殿上拜位內贊贊禮同唱跪丞相及庭中文武官皆跪丞相稱賀曰某官某等茲遇親王殿下榮膺冊寶封建禮成無任忻忭之至賀畢內贊贊禮同唱俯伏丞相及庭中文武官皆俯伏興平身丞相出引禮引復位贊禮唱鞠躬樂作四拜樂止贊禮唱禮畢內贊啓禮畢親王興樂作出殿門樂止引禮引文武官以次出

東宮及百官稱賀上表箋

親王受冊寶禮既畢至晚內使監于奉天殿陳設御座香案尙寶司設寶案于香案之北侍儀司設表案位于香案之南又設表箋案位于丹墀北之正中設皇太子拜位於丹墀上御前正中親王陪拜位各以

長幼序于皇太子拜位之南。其餘陳設侍衛執事與賀冊立中宮儀同。是日侍衛侍從入迎車駕。上位陞
護身殿。侍儀版奏中殿。御用監官奏請上位服袞冕。皇太子親王于奉天門東耳房具冠服。文武官迎表
至午門前。置龍亭於御道中。禮部官取表函置于案。舍人舉案。宣表官展表。官押表案。引丞相前行。文武
官分班。俱由西門入。至丹墀中。禮部官押表案于丹墀正中。各就位。文武官各就起居位。侍儀奏外辦。導
引上位御輿以出。仗動。鼓吹振作。尙寶卿捧寶前導。侍衛如常儀。上位陞御座。樂止。尙寶卿捧寶置于案。
將軍捲簾。拱衛司鳴鞭。司晨報時。靈唱訖。諸侍從官殿前班。拱衛司官由西階降。引班引同宣表官受表。
官受箋。內官俱入起居位。東西相向立定。通班唱某衛指揮使臣某以下起居。引班唱鞠躬。平身。指揮以
下鞠躬平身。引班東西分引至丹墀中拜位。北面立。贊禮唱鞠躬。樂作。兩拜。樂止。贊禮唱指揮使稍前。指
揮使前立。贊禮唱鞠躬。指揮以下皆鞠躬。贊禮唱聖躬萬福。唱平身。指揮使以下皆平身。唱復位。指揮使
復位。唱鞠躬。樂作。兩拜。樂止。通班唱各供事。引班引指揮以下官各就位。引進四人導皇太子親王由東
門入。樂作。由東階陞至拜位。樂止。引進分立于其前。唱鞠躬。樂作。四拜。樂止。引進引皇太子由殿東門入。
樂作。引進立俟于門外。內贊接引皇太子至御座前拜位。樂止。內贊引進同唱跪。皇太子親王皆跪。皇太
子稱賀云。長子某茲遇諸弟某等受封建國。謹詣父皇陛下稱賀。賀畢。內贊引進同唱俯伏興。平身。皇太
子親王俯伏興。平身。內贊引皇太子出殿東門。樂作。內贊唱復位。引進引皇太子復位。樂止。引進唱鞠躬。

樂作。四拜。樂止。引進引皇太子親王東階降。樂作。至文樓。樂止。司晨再報時訖。通班唱具官臣某以下起居。以下百官稱賀儀與賀册中宮儀同。

東宮賀中宮

親王受册次日。內使監官陳設皇后御座於中宮殿上。皇太子拜位于露臺上正中。親王陪拜位序於其後。設皇太子行禮位于御座前。內贊一人位于殿上拜位之東西。陳設儀仗于殿庭之東西。擊執于殿內之左右。樂工陳樂于宮門之外。皇太子于上位前行賀禮畢。司賓引皇太子親王各具冕服。至中宮門外東向立。內使監官啓開。皇后首飾捧衣出殿。樂作。陞御座。樂止。司賓引皇太子親王由東階陞。樂作。入就露臺上拜位。樂止。司賓分立于其前。司贊唱鞠躬樂作。四拜。樂止。司賓引皇太子由殿東門入。樂作。至殿內拜位。樂止。司賓分立于其前。內贊唱跪。皇太子跪稱賀曰。長子某茲遇諸弟某等受封建國。謹詣母后殿下稱賀。畢。內贊唱俯伏。興。平身。皇太子俯伏。興。平身。司賓引皇太子東門出。樂作。復位。樂止。司賓唱鞠躬。樂作。四拜。樂止。司賓唱禮畢。內使監官啓禮畢。皇后與樂作。還宮。樂止。內官引皇太子親王以次出。

中宮受內外命婦賀

至日。司賓引內外命婦各服其服。各俟于中宮門外之左右。俟皇太子入。行賀禮畢。內使監官啓開。司賓二人先引外命婦由西門入。序立于庭中左右。二人引內命婦入就拜位。司贊唱班齊。唱拜。樂作。四拜。樂

止。司賓引班首由西階陞西門入。樂作。至御座前。樂止。內贊司贊唱跪。班首及衆內命婦皆跪。班首稱某封某妾某等。茲遇親王受封建國。恭詣皇后殿下稱賀。畢。內贊司贊同唱興。班首及衆內命婦皆興。司賓引班首由西門出西階。降復位。司贊唱拜。樂作。四拜。樂止。司賓引內命婦出。司賓二人引外命婦入。就拜位。唱拜。樂作。四拜。樂止。司賓引班首由西門入。樂作。至御座前。樂止。內贊司贊同唱跪。班首以下皆跪。班首稱賀曰。妾某氏等。茲遇親王受封建國。恭詣皇后殿下稱賀。畢。內贊司贊同唱興。班首以下皆興。司賓引班首由西門出西階。降。司贊唱拜。樂作。四拜。樂止。司賓引外命婦以次出。

東宮受百官賀

與東宮初立。百官進賀儀同。

成化二十三年續定

其日清晨。上親告奉先殿。

川祝文

前期鴻臚寺設節冊寶案于奉天殿中。冊東寶西。節居中。設綵輿於丹墀

之東。教坊司設中和韶樂及大樂。是日早。錦衣衛設鹵簿。駕上具皮弁服。御華蓋殿。執事官行禮如常儀。鴻臚寺奏請陞殿。導駕官前導。上御座。鳴鞭。樂作。文武百官朝服行叩頭禮。侍班。樂止。引禮引正副使入。就拜位。樂作。贊四拜。樂止。傳制官跪奏傳制。執事官舉節冊寶案。由殿左門出。置御道中。傳制官由左門出。稱有制。贊正副使跪。制曰。某年某月某日。冊封第幾子某爲某王。命卿等持節行禮。贊俯伏興。四拜。禮

畢。執事官舉節冊寶置于綵輿中。用黃傘蓋及大樂送。至右順門外。正副使朝北立。仍用內樂迎。綵輿至各王所居門外。內執事先設香案于中堂之北。設節冊寶案于香案之南。王先具服候節冊寶將至。出迎于門外。內執事捧節冊寶由正門入。先行。王隨行。至王所居正中。各置于案。冊東寶西。節居中。內執事導引王就拜位。贊四拜。樂作。興。平身。樂止。贊宣冊。贊詣冊案前。贊跪。宣冊內官取冊立。宣訖。贊受冊。捧冊內官以冊授王。王受訖。以冊授內侍。內侍跪受。立于西。贊俯伏。樂作。興。平身。樂止。贊復位。贊四拜。樂作。興。平身。樂止。贊禮畢。內導引王送節出門外。內執事捧節出授正副使。報禮畢。正副使持節復命。是日親王受冊寶畢。內侍引詣奉先殿。謁告如常儀畢。內侍引親王詣皇太后前行八拜禮。詣上前。皇后前俱行八拜禮。詣母妃及皇妃及東宮并妃前。各行四拜禮。畢。回宮。次日文武百官常服致詞稱賀行禮畢。司禮監請各王具常服。俱詣奉天門前東廡坐。百官常服行四拜禮。

【親王妃冊立儀】

與冊立皇太子妃同。

【公主冊立儀】

洪武九年定。

先期內使監陳設册案于乾清宮御座之東南。設儀仗于丹陛之東西。陳女樂于丹陛之南。尙儀奏外辦。上皮弁服。中宮翟衣。陞御座樂作。陞座訖。樂止。引禮引捧册使者女官就殿上拜位。贊拜。樂作。四拜。樂止。傳制官稱有制。贊捧册使者跪傳制。制曰。今册長女爲某公主。命尙宮正某行禮。舉册官以册立授使者。使者受册。以授執事者。執事者跪受。退立於殿東。贊興。捧册使者興。贊拜。樂作。四拜。樂止。執事者捧册前行。使者隨詣華蓋殿。設香案于正中。設册案于香案前。公主服九章四鳳冠翟衣。立于殿西東向。册使至。以册置於案。册使立于册案之東南向。引禮引公主詣拜位。贊禮。贊公主四拜。贊禮。請公主詣前。册使稱有制。贊禮。贊公主跪。贊宜册。宜册官取册立宣訖。以册入于盥。贊受册。宜册官以册授公主。公主受册。興。以册置于案。執事者收册。册使興。引禮就導引公主詣上前謝恩。贊八拜。又詣中宮前謝恩。贊八拜。禮畢。次見皇妃。東宮及妃。各王及妃如常儀。公主授以金册。塔皆稱駙馬都尉。賜誥命。皇姑曰大長公主。皇姊妹曰長公主。皇女曰公主。自公主以上俱授金册。

册立儀册文俱見增禮

明會典卷之四十九 禮部七

【皇子誕生儀】

嘉靖十五年定

皇子初生三日。上親詣南郊奉告。同日祭告奉先殿。崇先殿。遣官分告方澤朝日。夕月。太社稷。帝社稷。天神地祇。行事俱祭服。具告文。行三獻禮。祭品用酒果脯醢。南北郊加太牢。文官五品以上。武官四品以上。俱隨詣南郊。文官三品以上。武官公侯伯。皇親駙馬。仍詣內殿。各具服陪拜。次日上御奉天門。文武百官。具吉服稱賀。先後行四拜禮。仍自誕生之日爲始。各吉服十日。擇日頒詔天下。如常儀。分遣翰林院春坊。六科官齎捧御書往各王府報知。

萬曆十年更定

皇子初生三日。遣官祭告南北郊。太廟。社稷壇。是日上具袞冕御服。皇極殿。文武百官及天下諸司進表。官員各具朝服。鴻臚寺官致詞稱賀。餘如常儀。仍遣官齎捧詔書往諭朝鮮國王。

【皇子命名儀】

嘉靖十二年定

皇子生三月。禮部行令欽天監擇命名并行禮吉時。翰林院備查欽賜過宗室名同字行者。進呈御覽。以避重複。開擬數字。上請簡定。前期上擇內夫人之敬慎者。以奉皇子剪髮。前一日。上詣太廟。世廟。以命皇子名。告於列聖。皇考。用香帛脯醢果酒祝文。至日早。保姆抱皇子于寢宮。剪髮爲髻。留角如禮。上具皮弁服。御乾清宮。陞御座。皇后率嬪之生皇子者。各服其服朝見。行四拜禮。畢。皇后侍立。東面。嬪後。保姆抱皇子出自寢。由西至殿內。授皇子於皇后。內贊奏曰。皇后率某嬪某氏。敢用吉日。祇見皇子。上降座。命以制辭。遂執皇子之右手而賜之名。皇后敬對畢。遂左還授皇子於保姆。還寢。皇后復率嬪四拜畢。各還宮。次日。上御奉天門。欽降手勅。以皇子睿名。傳諭禮部。行宗人府。上籍玉牒。

隆慶二年更定

皇子生彌月。剪髮如常儀。候至百日。禮部行令欽天監擇命名并行禮吉時。翰林院預擬睿名。上請簡定。至期。上以命皇子名。告聞於奉先殿。世宗皇帝。几筵殿。弘孝殿。神霄殿。用告文祭品如常儀。是日。上具常服。御乾清宮。陞座。皇后率皇貴妃各服其服朝見。行四拜禮。畢。皇后侍立。東面。皇貴妃中立。侍姆抱皇子出自寢。由西至殿內。授皇子於貴妃。內贊奏曰。皇貴妃某氏。敢用吉日。祇見皇子。上降座。撫皇子首。咳而賜之名。皇貴妃承旨畢。左還授皇子於侍姆。還寢。皇后復率皇貴妃四拜畢。各還宮。次日上御皇極門。降手勅如常儀。

【皇女誕生儀】

嘉靖十五年定

皇第一女生三日。上具常服告聞於奉先殿。崇先殿。用香帛脯醢果酒告文。是日百官皆吉服。

【皇女命名儀】

嘉靖十五年定

皇女生彌月。前期。上擇內夫人之敬慎者。以奉皇女剪髮。是日早保姆抱皇女於寢宮。剪髮爲髻。留纏如禮。上具常服。御乾清宮。陞御座。皇后率妃之生皇女者。具服朝見。行四拜禮。畢。皇后侍立。東面。妃後保姆抱皇女出自寢。由西至殿內。授皇女於皇后。內贊奏曰。皇后率妃某氏。祇見皇女。上降座。執皇女之右手。而賜之名。皇后承旨。遂左還授皇女於保姆。還寢。皇后復率妃四拜。畢。各還宮。是日宮中舉宴禮如常儀。

明會典卷之五十 禮部八

【上尊號】

天子登極奉母后或母妃爲皇太后。則上尊號。其後或以慶典推崇皇太后。則加稱二字或四字爲徽號。上徽號致詞。而上尊號則止進冊寶。其儀略同。具列於後。

【皇太后上尊號儀】

洪熙元年定

告祭

前期。太常寺官具奏致齋三日。遣官祭告天地宗廟社稷。上親告太宗皇帝几筵。大行皇帝几筵。

上冊寶

前期。禮部移文各衙門。是日鳴鐘鼓。百官具朝服隨班行禮。前一日。內侍官于奉天門設冊寶綵輿。冊東寶西。設香亭一手冊寶綵輿之南正中。教坊司設中和韶樂。及大樂。設而不作。是日早。錦衣衛陳設如常儀。內官設皇太后寶座於宮中。陳設儀仗于丹陛上。及丹墀內。設冊寶案一於皇太后寶座前。又設香案一于冊寶案前。設皇帝拜位于丹陛上正中。設親王拜位于丹墀內。設內贊二人。引禮二人。設女樂於丹

陸上設而不作。至期，皇帝臨奉天門，內捧冊寶官捧冊寶俟。皇帝具冕服出，捧置于綵輿。內侍官舉輿，導駕官導引皇帝，隨綵輿後降階陞輅。百官于金水橋南，北向序立。俟冊寶輿至，皆跪。既過輿，隨至思善門外橋南，北向序立。皇帝至思善門內，降輅。女官請皇太后陞座。冊寶輿由中門進至宮中，丹陛上置于皇帝拜位前。冊東寶西。內引禮官導引皇帝由左門入，至丹陛上右邊，北向立。內贊唱執事官各司其事。引禮官導引皇帝至拜位，親王各具冕服就拜位。奏四拜，傳唱鴻臚寺贊百官皆四拜。畢，捧冊寶官於綵輿內取冊寶，捧由殿中門入，至皇太后前左邊立。皇帝由殿左門入，至拜位。奏跪，傳唱親王百官皆跪。奏摺進冊。捧冊官以冊跪進于皇帝右。皇帝受冊獻訖，以授執事官。執事官跪受置于案上之左。奏進寶。捧寶官以寶跪進於皇帝右。皇帝受寶獻訖，以授執事官。執事官跪受置于案上之右。奏出。進奏宣冊。執事官跪宣讀訖，奏宣寶。執事官跪宣讀訖，奏俯伏興。平身。傳唱同。奏復位。導引皇帝由左門出，至拜位。奏四拜。親王同。傳唱百官同。四拜畢，奏禮畢。駕興。

謁謝

是日，皇太后受冊寶畢，候皇后、皇妃俱受冊寶畢，內官先具謁告儀物。翰林院具謁謝文。皇太后、皇帝、皇后、皇妃各具服訖，皇帝奉皇太后及率皇后、皇妃祇謁奉先殿及詣太宗文皇帝几筵，大行皇帝几筵前，行謁謝禮，如常儀。

慶賀

是日，皇太后行謁謝禮畢，仍於宮中服燕居冠服，陞座。儀仗女樂如前陳設。女官具服侍班如常儀。內引禮官引皇帝、皇后、皇妃、親王、公主及六尚等女官行慶賀禮如常儀。次日，外命婦四品以上入進表箋。女官先于皇太后宮中左門外設表箋案。儀仗女樂陳設及侍班如前儀。命婦是日早于長安左右門入。俱由西華門進。至宮門外，候引禮內官引入丹墀內，東西相向立。皇太后服燕居冠服，陞座。引禮官引命婦入班。贊四拜。贊跪。贊進表。引表案女官二人前導。女官舉表案由左門入。至皇太后前，置訖。贊興。贊四拜。贊禮畢。駕興。

【大皇太后上尊號儀】

與皇太后上尊號儀同。

【皇太后上徽號儀】

天順二年定

告祭

先期四日，太常寺官宿於本寺。次日早，具奏致齋三日。遣官祭告天地宗廟社稷。其祭儀用果酒脯醢香帛迎神四拜，行一獻禮。讀祝，送神四拜禮畢。

上册寶

前期禮部移文各衙門。是日鳴鐘鼓。百官具朝服隨班行禮。前一日內侍官設册寶案于奉天殿。册東寶西。設册寶彩輿于丹墀內。設香亭一于册寶前。教坊司設中和韶樂及大樂。是日早錦衣衛設鹵簿大駕如常儀。前一日女官設皇太后寶座于宮中。設册寶二案於寶座前。册東寶西。設香案于册寶案前。設皇帝拜位於丹陛上正中。皇太子親王拜位列於後。又設皇帝進册寶位於宮門內正中。設內贊二人引禮二人。內宮設儀仗於丹陛。丹墀東西女官擎執者立于寶座之左右。鐘鼓司設樂于丹陛。東西北向。是日早上御華蓋殿。具冕服。鴻臚寺官奏請行禮。導駕官導引上出至奉天殿。捧册寶官捧册寶置于案內。侍官舉案由殿中門出。導駕官導引上隨行至丹陛下。捧册寶官取册寶置于綵輿內。侍官舉輿上陞輅。隨輿後。百官於金水橋南。北向序立。候册寶綵輿至。皆跪。過畢。輿隨至文華門外。候上至清寧門內。降輅趨至宮門外。北向立。女官奏請皇太后陞座。皇太后具服出。導從如常儀。樂作陞座。册寶綵輿由中門進。至宮中丹陛上。置于皇帝拜位前。册東寶西。內引禮官導引上由左門入。至丹陛左。北向立。樂止。內贊唱執事官各司其事。引禮官導引上至拜位。皇太子親王各具冕服就位。奏拜樂作。四拜樂止。傳唱鴻臚寺贊百官皆四拜畢。捧册寶官于綵輿內取册寶捧由中門入。至皇太后前。左立。上由左門入。至拜位。奏跪。傳唱皇太子及親王百官皆跪。奏揖。進册。捧册官以册跪進於上。左受册。奏宣册。上以册授執事官。執

事官跪受于上右。宣讀訖，捧置于案。奏進寶，捧寶官以寶跪進于上左。上受寶，以授執事官。執事官跪受於上右，捧置於案。奏出圭，俯伏興，傳唱同。奏復位，引禮官導引上由左門出。至拜位，奏拜。樂作四拜，樂止。傳唱百官同四拜畢，致詞官於丹陛上跪，奏于上左曰：「嗣皇帝臣伏惟皇太后陛下功德兼隆，顯崇徽號，永膺福壽，率土同歡。」畢，贊拜。樂作四拜，樂止。傳唱百官同四拜，奏禮畢，駕興。

謁告

是日，皇太后受冊寶畢，內官先具謁告儀物。皇太后具冠服，詣奉先殿行謁告禮如常儀。

受賀

是日，皇太后行謁告禮畢，仍御宮中服燕居服。陞座，儀仗及樂如前陳設。內引禮官引皇后、皇妃、公主行慶賀禮如常儀。禮畢，文武百官詣清寧宮前門外上表慶賀。行四拜禮。司禮監官捧表進，仍行四拜禮。畢，次日命婦進表慶賀。前期一日，女官設皇太后御座于宮中，設香案于丹墀之南。其日清晨，內官設儀仗於丹陛之東西，及丹墀東西。女官擎執者立于御座之左右。陳女樂于丹陛東西北向。設表案於殿東門外。設命婦拜位於丹墀北向。設司贊位於丹墀東西。設司賓位於命婦拜位之北，東西相向。設內贊二人位於殿內東西。命婦至宮門外，司賓引命婦入就拜位。女官具服侍班如常儀。尚官尚儀等官詣內奉迎。尚儀奏請陞座。皇太后具服出，導從如常儀。樂作陞座。樂止。司贊唱班齊。樂作贊四拜。樂止。外贊唱進表。

引表案女官前導。舉表案女官二人。舉案由殿東門入。樂作。至殿中。樂止。贊衆命婦跪。內贊唱宣表。展表。女官詣案前取表跪展。宣表女官詣案前跪宣訖。與女官舉表案置于殿東。外贊命婦皆興。樂作。贊四拜。樂止。司賓引班首命婦由東階陞。樂作。自東門入。至殿中。樂止。內贊唱跪。班首跪。外贊衆命婦皆跪。內贊官跪於班首之左。代致詞云。某夫人妾某氏等。恭惟皇太后陛下。德同坤厚。允協徽稱。壽福無疆。輿情歡戴。畢。內贊司贊同唱俯伏。興。班首及衆命婦皆興。司賓引班首由西門出。降自西階。樂作。至拜位。樂止。贊拜。樂作。四拜。樂止。尚儀跪奏禮畢。皇太后興。樂作。還宮。樂止。引禮官引命婦以次出。又次日上御奉天殿。文武百官上表行慶賀禮畢。頒詔天下如常儀。

明會典卷之五十一 禮部九

【耕籍】西苑耕
畝附

皇祖重農。元年仲春。卽行耕田禮。列聖相承。皆遵用焉。至肅皇復行西苑耕畝之禮。立帝社稷壇。以春秋祈報。禮加詳已。今西苑禮不行。

洪武二年定

皇帝祀先農畢。太常卿奏請詣耕藉位。皇帝至位。南向立。三公以下及應從耕者。各就耕位。戶部尙書北面進來相。太常卿導引皇帝乘耒三推。戶部尙書跪受耒。太常卿奏請復位。南面坐。三公五推。尙書九推。各退就位。太常卿奏禮畢。太常卿導引皇帝還大次。應天府尹及上元江寧兩縣令率庶人終畝。是日宴勞百官。耆宿於壇所。

永樂間續定

凡祭先農畢。駕至耕田所。戶部尙書捧鞭跪進。教坊司官率其屬作樂隨駕行。三推禮畢。駕至儀門。陞座。樂作。觀三公九卿耕訖。教坊司承應用大樂。百戲畢。跪奏致語。駕至殿內。陞座。進湯進膳。俱用樂畢。順天府官率耆老人等謝恩。樂作。禮畢。樂止。次百官行禮。樂作。禮畢。樂止。賜百官酒飯。百官復入班行禮。樂作。

禮畢樂止。尚膳官進膳。樂作。進訖樂止。百官入席。教坊司官奏一奏本太初之曲。進酒。樂作。進訖樂止。進膳樂作。進訖樂止。教坊司官跪奏進湯。樂作。徹湯樂止。二奏仰大明之曲。進酒。進膳。進湯。如前儀。三奏民初生之曲。進酒。進膳。進湯。如前儀。徹御案畢。樂止。百官復入班行禮。樂作。禮畢。樂止。鴻臚寺官奏禮畢。駕還。

嘉靖九年續定

每歲仲春上戊祭社稷及先農。先二日早。順天府官以耒耜及穰稂種進呈。少頃內官捧耒耜及穰稂種授順天府官。捧由午門左門出。置綵輿中。鼓樂送至耤田所。至日祭社稷畢。味爽上具翼善冠黃袍。御奉天門。太常寺官奏請詣先農壇。上陞輦。鹵簿導從詣壇所。具服殿更衣致祭。儀具闕祭畢。上還具服殿更

翼善冠黃袍。少憩。百官易便服訖。太常卿入奏請詣耕藉位。導駕官同太常卿導引上至耕藉位。南向立。

三公以下從耕者各就耕位。戶部尚書北向跪進耒耜。順天府官北向跪進鞭。導駕官同太常卿導引。教坊

同官率屬作樂。上秉耒三推訖。戶部尚書跪受耒耜。順天府官跪受鞭。太常卿奏請復位。順天府尹捧青

箱隨以種播而覆之。上御觀耕臺。觀三公五推。尚書九卿九推訖。太常卿奏耕畢。從耕官各就班。導駕官

同太常卿導引上詣齋宮。鴻臚寺官俟上陞座。奏從耕陪祭官叩頭。奏順天府縣官老人叩頭訖。順天府

率庶人終畝。鴻臚寺官贊入班。百官序列定。致詞云。親耕既成。禮當慶賀。贊五拜三叩頭禮畢。賜百官酒。

飯鴻臚寺官承旨。贊入班。百官行一拜。三叩頭禮訖。尚膳監進膳。三品以上官各就殿臺。四品以下官臺下。御路傍東西相向。各賜坐。并宴勞。著宿于壇傍。教坊司承應用大樂隊舞村田樂雜戲。跪奏致語。進酒進湯。進膳。及百官行禮。俱奏樂如常儀。宴畢。鴻臚寺官贊入班。百官行一拜。三叩頭禮訖。駕興還宮。○隆慶二年。耕藉儀同。先期一日預告奉先殿。是日還宮。仍詣奉先殿及弘孝神霄等殿參謁。弘治元年。奏准順天府。率兩縣官。著老謝恩之後。引上中下等農夫各十人。穿著本等衣鞋。各執農家器具。朝見叩頭。令其終畝耕畢。人賜布一疋。○嘉靖九年。令以藉田舊地六頃三十五畝。九分六釐五毫。撥與壇丁耕種。歲出黍稷稻粱芹韭等項。餘地四頃八十七畝。六分二釐九毫。除建神祇壇外。其餘九十四畝。二分五釐六絲四忽。亦撥與壇丁耕種。上納子粒。俱輸於南郊神廩。以供大祀等項。乘盛。○十年。戶部題准。藉田五穀種子。每畝合用一斗。本部發銀行順天府收買。送用。以後年分。于收穫數內。照地存留備用。合用農器。犁四張。耜四張。鋤十把。鋤十把。撒十把。扒十把。鐮刀十把。掃帚十把。簍笠十副。礮磗四個。大小麻繩共一百條。筐擔十副。禮部發銀。順天府買造。每地一頃。合用耕牛四隻。禮部發銀。順天府收買。每日草料。行裏牛房照數放支。責付耕夫喂養。每地一頃。用夫十名。行順天府于宛大二縣取用。俱免本身差役。仍行大倉。每名月支口糧五斗。

西苑耕斂

嘉靖十年上命墾西苑內隙地爲田諭禮工二部建帝社帝稷壇每歲仲春秋行祈報禮儀注見于壇東北建殿曰無逸亭曰幽風又建亭曰省耕曰省斂每歲耕稷上親臨觀以重農事置倉曰恆裕貯田之所入以供祀事

【視學】

皇祖視學祭先師不設牲不奏樂憲宗始用牲樂孝宗加幣與大牢世宗以正先師稱號載視學復增設啓聖公祠禮更有加云

洪武十五年定

前期一日有司灑掃殿堂設御幄於大成門東上南向設御座於彝倫堂至日學官率諸生迎駕于成賢街左駕至學官及諸生俯伏叩頭輿駕入櫺星門止於大成門外上入御幄禮官入奏請具皮弁服次請行禮導引官導上出御幄就御位百官各就位導引官導上詣盥洗位揖圭盥帨出圭詣酒尊所酌酒詣先師神位前再拜百官皆再拜揖圭執事官跪進爵上獻爵授執事官奠于神位前出圭再拜百官皆再拜四配十哲兩廡分獻如常儀導引官導上入御幄易常服陞輿詣學學官率諸生先列于堂下東西上至彝倫堂陞御座贊唱學官諸生行禮五拜叩頭東西序立于堂下三品以上及侍從官以次入堂東西序立贊進講祭酒司業博士助教四人以次升堂由西門入至堂中贊舉經案于御前禮部官奏請授經

于講官祭酒跪受。賜講官坐。乃以經置講案。叩頭就西南隅。設几榻坐講。賜大臣翰林儒臣坐。皆叩頭序坐於東西。諸生圍立以聽。講畢。祭酒叩頭退就本位。司業博士助教各以次進講畢。出堂門復位。贊唱有制。學官諸生列班。俱北面跪聽宣諭。五拜叩頭禮畢。學官率諸生出成賢街跪俟駕還。明日祭酒率學官上表謝恩。

成化元年續定。

前期一日。太常寺備祭儀。設大成樂器于殿上。列樂舞生于階下之東西。國子監灑掃殿室內外。錦衣衛設御輦于大成門之東。上南向。設御座于彝倫堂正中。鴻臚寺設經案于堂內之左。設講案于堂內之西南。至日置經于經案。錦衣衛設鹵簿駕教坊司設大樂。俱於午門外。是日早。百官免朝。先詣國子監門外迎駕。分獻陪祀官先詣國子監具祭服伺候行禮。駕從東長安門出。鹵簿大樂以次前導。樂設而不作。太常寺先陳設祭儀于各神位前。設酒尊爵如常儀。執事設上拜位於先師神位前正中。是日學官率諸生迎上至大成門外入御輦。禮官入奏請具服。上具皮弁服訖。奏請行禮。導引官導上出御輦中道詣大成殿陸上。典儀唱執事官各司其事。執事官各先斟酒于爵。候導上至拜位。贊就位。百官亦各就拜位。四配十哲分獻官各詣殿東西階下。兩廡分獻官各詣廡前。俱北向立。贊迎神。樂作。樂止。奏上鞠躬拜。興拜。興。平身。通贊百官行禮同。奏揖。上揖。執事官跪進爵。樂作。上受爵獻畢。復授執事官奠于神位前。樂止。

奏出圭。上出圭。四配十哲兩廡分獻官。以次詣神位前奠爵訖。仍以次出殿門外。東西向立。典儀唱送神樂作。樂止。奏上鞠躬拜興。拜興。平身。通贊陪祀官行禮同。導引官導上由中道出。分獻官以次退。上入御輦。易常服訖。禮官入奏請幸彝倫堂。上陞輿。禮官前導。由樞星門出。從太學門入。諸生先分列於堂下。東西學官列于諸生前。駕至。學官諸生跪伺。駕過。然後起。仍前序立。百官分列堂外稍上。左右侍立。上至彝倫堂。陞御座。贊學官諸生行五拜叩頭禮。武官都督以上。文官三品以上。及翰林院學士陞堂。執事官各以次序立。贊進講。祭酒司業以次陞堂。由東西小門入。至堂中。執事官舉案於御前。禮官奏請授經于講官。祭酒跪受經。受畢。上賜講官坐。祭酒乃以經置講案。叩頭就西南几榻坐講。上賜武官都督以上。文官三品以上。及翰林院學士坐。皆叩頭。序坐于東西。諸生圍立于外以聽。祭酒講畢。叩頭退。就本位。司業進講如儀。畢。出堂門復位。贊有制。學官諸生列班。俱北面跪聽。宣諭畢。贊行五拜叩頭禮。學官諸生以次退。先從東西小門出。列于成賢街之右伺候。尚膳監進茶御前。上命光祿寺賜各官茶畢。各官退立於堂門外。叩頭。東西序立。上起陞輿。由太學門出。陞輦。鹵簿大樂前導。樂作。駕出太學門。學官諸生伺駕至。跪叩頭。退。百官常服先詣午門外伺候。駕還。鹵簿大樂止於午門外。上御奉天門。鳴鞭。百官常服行慶賀禮。鴻臚寺致詞云。恭惟皇上敬禮先師。親臨太學。增光前烈。丕闡鴻猷。臣等欣逢盛事。禮當慶賀。行禮畢。鳴鞭。駕與還宮。百官退。明日國子監祭酒率學官諸生上表謝恩。上具皮弁服。御奉天殿。錦衣衛設丹陛。駕

百官朝服侍班。行禮畢。上易服御奉天門。禮部引奏。賜祭酒司業學官及三氏子孫衣服。諸生鈔錠畢。駕還。是日上御奉天門。賜宴。武官都督以上。文官三品以上。翰林院學士及祭酒司業學官三氏子孫。與宴。又明日祭酒司業率學官諸生謝恩。上賜勅勉勵師生。祭酒捧出。師生迎導至太學。開讀行禮如常儀。再明日祭酒司業率學官諸生復謝恩。

弘治元年定。

先期致齋一日。奠加幣。牲用大牢。改分獻官爲分奠官。拜位列于陪祭官之前。樂仍設而不作。餘如成化間儀。

嘉靖元年續定。

駕將至。陪祀官武官自都督以上。文官三品以上。翰林院官七品以上。同國子監官。具祭服伺候行禮。駕至樞星門外。卽降輦。步入御幄。易常服。祭畢。仍自御幄。步出樞星門外。陸輦。次日襲封衍聖公。率三氏子孫。國子監祭酒。率學官諸生。上表謝恩。是日賜三氏子孫衍聖公等及祭酒司業。宴于禮部。命本部尙書待。餘如成化間儀。○十二年。以先師祀典既正。再視學。命大臣一員致奠啓聖公祠。餘如元年儀。

樂章

視學還。導駕奏御變歌神猷之曲。

臣聞古帝王受天命統四方。胄衣盱食治道章。一心誠敬感昊蒼。龍翔鶴舞。神心樂康。臣民讚時。皇萬壽無疆。

駕至奉天門。陞座奏萬歲樂。朝天子之曲。與朝賀同。還宮奏萬歲樂。與前同。

萬曆四年續定。

駕至樞星門外。降輦。禮部官吉服導上入御輦。禮部奏請具服。上具皮弁服。訖。禮部官奏請行禮。上出御輦。太常寺官導上由大成門中道入。盥洗詣廟中。與嘉靖元年儀稍異。餘俱同前儀。次日方行慶賀禮。襲封衍聖公。率三氏子孫祭酒司業。率學官諸生。各上表謝恩。先期設表案于皇極殿簷下。東王門外。至日早錦衣衛設鹵簿。駕百官朝服侍班。上具皮弁服。御中極殿。禮部官及各執事官行禮如常儀。鴻臚寺官奏請陞殿。導駕官前導樂作。陞座。樂止。鳴鞭。傳贊排班。班齊。鴻臚寺官致詞。百官行慶賀禮。樂作。五拜三叩頭。訖。樂止。分班侍立。序班引衍聖公三氏等族人。國子監師生。過中。贊鞠躬。樂作。四拜。興。平身。樂止。贊進表。樂作。執事官舉案。由東王門入。至簾前。置定。樂止。贊宣表目。鴻臚寺堂上官一員。隨禮部堂上官。捧表目。過中。內贊贊跪。外亦贊跪。進表官俱跪。宣畢。贊俯伏。樂作。興。平身。傳贊同。樂止。執事官舉案過東邊。贊鞠躬。樂作。進表官俱四拜。興。平身。樂止。各入本班。立。鴻臚寺官奏禮畢。鳴鞭。百官退出。仍於皇極門朝服侍立。上易常服御門。鴻臚寺官傳奏事起案。執事官舉案置御路中。序班引襲封衍聖公等官并族人。

及國子監祭酒等官諸生上御路贊跪禮部官奏請頒賞承旨訖贊叩頭衍聖公并祭酒等叩頭起執事官舉案過東邊鴻臚寺官奏奏事畢鳴鞭上興還宮百官退是日免賜宴後二日儀俱同前

成化元年令取三氏子孫赴京觀禮又命衍聖公分獻○嘉靖十二年題准衍聖公及顏孟二博士禮部先期差行人前去行取及另取孔氏老成族人五人顏孟族人各二人一同馳驛赴京迎駕陪祀前期八日內閣及執事官赴國子監習儀至日習禮公侯伯俱迎駕聽講觀禮跪受宣諭班列于學官之次諸生之前三氏族人聽講序立文官之次各衙門辦事監生俱取回迎駕聽講觀禮

【大射禮】

古之射禮有五國朝次第行之詔成均博士弟子及郡縣庠序之士皆使習射以俟貢舉而凡遇郊廟之祭先期命文武官執事行大射之禮其儀具後

洪武三年定

前期戒射定耦選執事充司正副司正司射司射器請射舉爵收矢執旗樹鴻陳設如圖儀是日執事者入就位請射者引主射正官及各官員子弟士民俊秀者各就品位司射器者以弓矢置于各正官及司射前請射者詣正官前圓揖畢引詣司射器前授弓矢畢引復本位司正執算入立於中後請射者詣司射前曰請誘射引司射二人耦進各以三矢插于腰帶之右以一矢挾于二指之間推年齒相讓年長者

爲上射。年幼者爲下射。上射先進詣射位。向鵠正立發矢。司正書中。投算置于中。

或副司正書中。

舉旗者舉旗如

式。上射射畢。退立于傍。讓下射者詣位發矢。書中舉旗如前。請射者俱引復位。收矢者收矢。復于射者。司

正取所中算。請射者次請士民俊秀射。次請官員子弟射。次請品卑至高品者射。其就射位發矢取算。書

中舉旗收矢復位皆如式。俱畢。司正副司正各持算白中于主射正官。舉爵者酌酒授中者如式。飲訖。請

射請屬官以下仍捧弓矢納于司射器。還詣主射正官前。圓揖而退。○射器及執事官。工部制虎中鹿中

及諸侯卿大夫射侯等器。其儀按周禮大司馬之職。王大射則合諸侯之耦。其屬有射人。掌張三侯司弓

矢。掌六弓八矢之法。服不氏。掌贊張侯以旌居乏而待獲。古大司馬。今兵部之職也。今以兵部掌之。其射

鵠有七。虎鵠五采。天子射用之。熊鵠五采。皇太子射用之。豹鵠五采。親王射用之。豹鵠四采。一品二品文

武官射用之。穆鵠三采。三品至五品文武官射用之。狐鵠二采。六品至九品文武官射用之。布鵠無采。文

武官子弟及士民俊秀射用之。乏又名容。凡射時置於鵠右。執旗及待獲者以蔽身。設福并韋當射時置

于前。以齊矢。設射中五皮樹中。天子大射用之。闕中。天子宴射用之。虎中。皇太子親王射通用之。兕中。一

品至五品文武官用之。鹿中。六品至九品及文武官子弟士民俊秀通用之。其職事設司正官二員。掌驗

射者品級尊卑人力強弱而定耦。其中否。則書于算。兵部官職之。司射二員。掌先以強弓射鵠。誘射以鼓

衆氣。以武職官充之。司射器官二員。掌辨弓力強弱。分爲三等。驗人力強弱而授之。工部官職之。舉爵者

二員。掌以馬漚授中者飲。光祿寺官職之請射者四員。掌定耦射。射畢。再請某耦射。每鴿用二人。侍儀司職之。待獲者。掌矢納于司射器者。以各隸僕供其役。執旗者六人。掌於容後。執五色旗。如射者中的。舉紅旗應之。中采舉采旗應之。偏西舉白旗。偏東舉青旗。過于鴿舉黃旗。不及鴿舉黑旗。以軍士二人掌之。設引禮二人。掌引文武官進退。命侍儀司舍人職之。

【策士】

凡士之舉于禮部者。國初以三月朔日。御殿而親試之。謂之殿試。後率以三月十五日。間以他事更日。并讀卷傳臚等儀。具列于後。

殿試儀

先期一日。鴻臚寺官設策題案于殿之東。光祿寺備試卓于兩廡。至日早。禮部官引貢士入至臬極殿。丹墀內。東西北向。序立。文武百官各具公服侍立。如常儀。鴻臚寺官請陞殿。上常服。御臬極殿。鳴鞭。文武百官行叩頭禮。侍班。執事官舉策題案于殿中。內侍官以策題付禮部官。置于案上。鴻臚寺官引貢士就拜位。執事官舉策題案由左階降。置御道中。贊貢士行五拜三叩頭禮。各分東西侍立。執事官隨舉策題案于丹墀東。鴻臚寺官奏禮畢。鳴鞭。駕興。文武百官退。軍校舉試卓。列于丹墀東西北向。置定。禮部官散題。貢士仍列班跪受。叩頭就試。是日如遇天雨。或大風。試卓即移設于兩廡。

讀卷儀

殿試後二日早常朝畢。駕詣文華殿。免日講。不用侍班侍衛等項。讀卷官各執卷隨至文華門外候上陞座。傳讀卷官進。各官趨至丹陛。行叩頭禮。入殿內東西序立。傳讀卷。讀卷官居首者至御前跪。展卷朗讀。畢。司禮監官接卷置御案。本官叩頭興復班。其各讀卷官以次進讀。如儀。讀三卷後。臨時候旨再讀幾卷。如奉旨免讀。各官即執卷同至御前跪。司禮監官以次接卷俱置御案。各官叩頭興復班。傳各官退。各讀卷官出至丹陛。行叩頭禮。畢。即出至文華門外候上。將試卷裁定御批。第一甲第一名。第一甲第二名。第一甲第三名。其餘各卷發出內閣官領收。上回宮。是日各讀卷官先將第二甲第一名以下。拆卷填寫黃榜。

傳臚儀

先期一日設黃榜案于中極殿內稍東。至期文武百官各具朝服。伺候行禮。是日早鼓未鳴。先開左掖門。放讀卷及提調并執事官進入中極殿門外候。上具皮弁服陞座。各官入行叩頭禮。畢。進入殿內供事。讀卷官拆第一卷奏第一甲第一名某人。拆第二卷奏第一甲第二名某人。拆第三卷奏第一甲第三名某人。填寫黃榜訖。尚寶司官用寶完備。起鼓。執事官整束黃榜。翰林院官捧出臬極殿伺候。其餘讀卷提調等官俱先退出。鴻臚寺官贊執事官行五拜三叩頭禮。畢。奏請陞殿。導駕官前導。上陞座。作堂下樂。鳴鞭。

執事官舉案至簾前置定。翰林院官捧榜授禮部官接置于案。執事官引貢士入拜位。贊四拜。傳制官跪奏傳制。俯伏。興。由殿左門出。至丹陛東立。西向。執事官舉榜案至丹墀御道中置定。傳制官稱有制。鳴贊贊跪。制曰。某年三月十五日。策試天下貢士。第一甲賜進士及第。第二甲賜進士出身。第三甲賜同進士出身。第一甲第一名某人。第一甲第二名某人。第一甲第三名某人。第二甲某人等若干名。第三甲某人等若干名。傳訖。贊俯伏。興。贊四拜。畢。進士分東西侍立。執事官舉案由皇極門左門出。進士隨出觀榜。鳴贊贊排班。文武百官入班。致詞官於丹陛中跪。致詞曰。天開文運。賢俊登庸。禮當慶賀。贊五拜。三叩頭禮畢。鳴鞭。駕興。

狀元率諸進士上表謝恩儀

先期一日。鴻臚寺官設表案于皇極殿門之東。至日早。錦衣衛設鹵簿。駕鴻臚寺官引狀元捧表置于案。退立丹墀。御道稍東。其諸士以次序立。上具皮弁服。御中極殿。執事官行叩頭禮。畢。鴻臚寺官奏請陞殿。導駕官前導。上陞座。作堂下樂。鳴鞭。文武百官各具朝服行禮。侍班如常儀。鴻臚寺官引狀元及進士入班。贊四拜。贊進表。鴻臚寺官舉表案置于殿中。贊宣表目。禮部官跪宣表目。訖。俯伏。興。徹案。狀元及進士又四拜禮畢。鳴鞭。駕興。

【親賓】

國初無親蠶禮。肅皇帝始勅禮部以每歲季春皇后親蠶於北郊。後改於西苑。未久卽罷。

嘉靖九年定。

先期欽天監擇日以聞。順天府具蠶母名數。奏送蠶室內。工部具鈎箔筐架。及一應養蠶什物。給送蠶母。順天府將蠶種及鈎筐一副進呈。訖捧自西華門出。置綵輿中。鼓樂送至蠶室。蠶母浴種。伺蠶生。先飼以待。先一日。蠶宮令丞設皇后採桑位于採桑臺。東向。執鈎筐者位于稍東。設公主及內命婦位于皇后位東。設外命婦位于採桑臺東。陛之下。南北向。以西爲上。至日四更。宿衛陳兵衛女。樂工備樂。司設監備儀仗。及重翟車。蠶宮令備鈎筐。俱候于西華門外。內執事女樂生。并司贊六尙女官等皆乘車。先至壇內候。將明。內侍詣坤寧宮奏請皇后詣先蠶壇所。皇后服常服。導引女官導皇后出宮門。乘肩輿。侍衛警蹕如常儀。公主及內命婦應入壇者各服其服以從。至西華門。內侍奏請降輿。陞重翟車。兵衛儀仗女樂前導。女官捧鈎筐行于車前。皇后至具服殿。少憩。易禮服。祭先蠶。備具詞祭畢。更常服。司賓引外命婦先詣採桑臺位。南北向。女侍執鈎筐者各隨于後。尙儀入奏請詣採桑位。導引女官導皇后至採桑位。東向。公主以下各就位。南北向。執鈎者跪進鈎。執筐者跪奉筐受桑。皇后採桑三條。還至壇南儀門坐。觀命婦採桑。三公命婦以次取鈎採桑五條。列侯九卿命婦以次採桑九條。採訖。各以筐授女侍。司賓引內命婦一人詣蠶室。尙功帥執鈎筐者從。尙功以桑授蠶母。蠶母受桑。縷切之以授內命婦。內命婦食蠶。灑一箔訖。司

賓引內命婦還。尙儀前奏採桑禮畢。皇后還具服殿候陞座。尙儀奏司賓率蠶母等行叩頭禮訖。司贊唱班齊。外命婦序列定。贊四拜畢。賜命婦宴于殿內外。并賜蠶母酒食于採桑臺傍。公主及內命婦殿內序坐。外命婦從採桑者及文武二品以上命婦於殿臺上。三品以下于臺下各序坐。尙食進膳。司賓引公主及內命婦各就坐。教坊司女樂奏樂進酒。及進膳進湯如儀。宴畢。徹案。公主以下并外命婦各就班。司贊贊四拜。尙儀跪奏禮畢。皇后與還宮。導從如前。親蠶壇築于定門外。皇后率公主及內外命婦躬往採桑。而擇內西苑隙地蓋造織堂以終蠶事。十年以出入不便。改築壇于西苑。壇高二尺六寸。四出陞廣六尺四寸。甃以甗石。又爲瘞坎于壇右方。深取足容物。東爲採桑臺。方一丈四寸。高二尺四寸。三出陞鋪甃如壇制。臺之左右樹以桑。壇東爲具服殿。三間前爲門一座。俱南向。西爲神庫神廚各三間。右宰牲亭一座。壇之北爲蠶室五間。南向。前爲門三座。高廣有差。左右爲廂房各五間。之後爲從室各十。以居蠶婦。設蠶宮署于宮左偏。置蠶官令一員。丞二員。擇內臣謹恪者爲之。以督蠶桑等務。

古學于書三編通覽古今一編卷二十一

鄭文公集卷之三

鄭文公集卷之三

鄭文公集卷之三

鄭文公集卷之三

鄭文公集卷之三

鄭文公集卷之三

鄭文公集卷之三

鄭文公集卷之三



明會典卷之五十二

禮部十一

【經筵】

日講并講大學行義等儀附

國初經筵無定日。或令文學侍從之臣講說。亦無定所。正統初始著爲儀。常以月之二日。御文華殿進講。月三次。寒暑暫免。日講于文華穿殿。其儀簡。嘉靖初命儒臣進講大學衍義。迨西苑無逸殿成。命輔臣及經筵日講官六卿侍經筵官各撰尙書無逸詩。函風七月講義一道。於無逸殿進講。萬曆初增定午講儀。視舊儀稍有損益。今並列于後。

正統初定

凡經筵初開。勅勳臣一人。知經筵事。內閣學士。或知。或同知經筵事。六部尙書左右都御史。通政使。大理寺卿。及學士等官侍班。翰林院春坊等官。及國子監祭酒。二員進講。翰林春坊等官二員展書。給事中御史各二員侍儀。鴻臚寺錦衣衛堂上官各一員供事。鴻臚寺鳴贊一員贊禮。序班四員舉案。勳臣或駙馬一人領將軍侍衛。禮部擇吉題請。先期直殿內官于文華殿設御座。又設御案于殿內御座之東。稍南。設講案于御案之南。稍東。是日早。司禮監官先陳所講四書經史各一册。置御案。又各一册。置講案。皆四書東。經史西。先期講官撰四書經或史講章各一篇。預置於册內。是日早。上御文華殿。陞御座。將軍侍衛如

儀鴻臚寺官引經筵及侍班講讀執事侍儀等官于丹陛上行五拜三叩頭禮畢

以後每月初二、十二日正行叩頭

以次上殿依品級東西序立知經筵官序于侍班官上侍儀御史給事中于殿內之南分東西北向序

班二員舉御案置御座前二員舉講案置御案之南正中鴻臚寺官贊進講講官一員從東班出一員從

西班出詣講案前稍南北向並立東西展書官各一員各從本班出進至御案之南銅鶴下東西向立鴻

臚寺官贊講官鞠躬拜叩頭興平身畢東班展書官進詣御案前跪展四書畢起退立於東鶴下講四書

講官進至講案前立奏講某書講畢稍退展書官詣御案前跪掩四書畢仍退立于鶴下西班展書官進

詣御案前跪展經或史畢起退立于西鶴下講經史講官進至講案前立奏講某經或某史畢少退並立

如初展書官詣御案前跪掩書畢仍退立於鶴下鴻臚寺官贊講官鞠躬拜叩頭興平身各退就東西班

展書官隨之序班二員舉御案二員舉講案退至原所鴻臚寺官贊禮畢命賜酒飯鴻臚寺官及各官皆

跪承旨出至丹陛上行叩頭禮至左順門酒飯畢入行叩頭禮○嘉靖二年奏准八月二十二日恭遇憲

宗純皇帝忌辰是日經筵官各具青綠花樣衣服光祿寺仍具酒飯續更定具素服角帶○十年十月初

二日孝潔皇后忌辰令經筵官服青綠花樣隨侍人員淺淡衣服○隆慶元年定先一日告奉先殿告几

筵先五日命司禮監同各官詣文華殿演禮是日上詣文華殿左室展禮先聖先師○又定講章于前兩

日先進呈覽凡假日先期傳免○萬曆二年定春講以二月十二日起至五月初二日止秋講以八月十

二日起至十月初二日止不必題請。

日講儀

上御文華穿殿。止用講讀官。內閣學士侍班。不用侍衛侍儀執事等官。侍班講讀等官入見。行叩頭禮。東西分立。先讀四書。次讀經。或讀史。每本讀十數遍後。講官先講四書。次講經。或講史。務在直說大義。明白易曉。講讀後。侍書官侍上習書畢。各官叩頭退。文華殿賜茶。今不文華門賜酒飯。

午講儀

隆慶六年定。每日早。閣臣及講官講畢。各退。上進煖閣少憩。司禮監將各衙門章奏進上御覽。閣臣等退。西廂房伺候。上有所諮問。卽召至御前。將本中事情明白敷奏。覽本後。閣臣率領正字官恭侍上進字畢。若上欲再進煖閣少憩。閣臣等仍退至西廂房伺候。若不進煖閣。閣臣等卽率講官再進午講。講通鑑節要。後通鑑講完。以直觀政要進講。講官務將前代興亡事實直解明白。講畢各退。上還宮。○一每月三六九視朝日。暫免講讀。上于宮中有暇。將講讀過經書從容溫習。或看字體法帖。隨意寫字一幅。不拘多寡。○一每日定以日出時。上早膳畢。出御講讀。午膳畢還宮。

講大學衍義儀

嘉靖六年定。每月初三、初八、十三、十八、二十三、二十八日。用經筵日講官二員。進講內閣學士一員。侍班。

講畢賜茶。賜酒飯。俱如日講儀。

無逸殿講儀

嘉靖十年定

先一日。司設監官於無逸殿設御座。御案及講案。如文華殿月講之儀。是日。贊明上具常服乘輦。至無逸殿門。衆官于門外迎候。上降輦。乘板輿。至殿內。降輿。陞御座。鴻臚寺官贊各官于殿門外。入班行一拜三叩頭禮。畢。進入殿內。各照品級。東西序立。序班二員舉御案。置御座前。二員舉講案。置殿門內。西邊東向。設坐位。鴻臚寺官贊進講。講官大學士一員。出班行叩頭禮。上命賜講官坐。講官并鴻臚寺官承旨。贊叩頭訖。展書官詣御案前。跪展講章。退。講官坐講。畢。展書官詣御案前。跪掩講章。講官叩頭訖。復班。又大學士一員。出班叩頭。承旨坐講。展書官一員。展書俱如前儀。序班二員舉御案。二員舉講案。退至原所。鴻臚寺卿奏禮畢。有旨賜宴。衆官承旨訖。退至幽風亭前迎候。上乘板輿。至亭內。降輿。陞御座。賜宴。儀具宴亭。

【東宮出閣講學儀】

太祖命學士宋濂授皇太子諸王經書于大本堂。後於文華後殿。及肅皇改爲便殿。遂移於殿之東廂房。

初出閣儀

天順二年定

是日早侍衛侍儀如常儀。執事等官于文華後殿行四拜禮。畢鴻臚寺官請皇太子陞文華殿。執事官導引至殿陞座。師保等官于丹陛上行四拜禮。畢各官退出。內侍官導皇太子至後殿陞座。以書案進。每日侍班侍讀講官入。分班東西立。內侍展書。侍讀講官以次進讀。叩頭而退。

每日講讀儀

一每日早朝退後。皇太子出閣陞座。內侍以書案進。不用侍衛侍儀執事等官。惟侍班侍讀講官入行叩頭禮。畢分班東西向立。內侍展書。先讀四書。則東班侍讀官向前伴讀十數遍。退復原班。次讀經書。或讀史書。則西班侍讀官向前伴讀亦如之。務要字音正當。句讀分明。讀畢各官退。○一每日巳時侍班侍讀侍講及侍書官。俟皇太子陞座畢。入東西向立。侍班內侍展書。先講早所讀四書。則東班侍講官進講一遍。退復原班。次講早所讀經史書。則西班侍講官進講亦然。務要直言解說。明白易曉。講畢內侍收書。訖侍書官向前侍習寫字。務要開說筆法。點畫端楷。寫畢各官叩頭而退。○一午膳後是時已回宮從容遊息。或習騎射。○一每日晚讀本日所授書各數遍。至熟而止。○一凡讀書三日後一溫。須背誦成熟。遇溫書日免授新書。講官通講。須曉大義。○一凡寫字。春夏秋冬月。每日寫一百字。冬月每日寫五十字。○一凡遇朔望節假及大風雨雪。隆寒盛暑。暫停講讀寫字。

弘治十一年定。

是日早內侍設書案于文華殿內東。禮部鴻臚寺執事官于後殿行四拜禮畢。鴻臚寺官請皇太子陞文華殿。導引至殿陞座。三師三少并官僚以次序于丹陛上行四拜禮畢。從殿左右門入。分班東西立。通事舍人以書案進。內侍展書。侍讀官進讀。讀畢。侍講官進講。講畢。通事舍人徹案。各官叩頭退。○每日講讀常儀。與天順年同。

隆慶六年增定。

是日早侍衛侍儀如常儀。內侍先設皇太子座於文華殿之東廂房。正中西向。設書案于座之左。禮部鴻臚寺執事官候皇太子出閣。導引至東廂房陞座。提調輔臣并侍班講讀等官以次序立丹墀。行四拜禮畢。各官以次入東廂房。分班相向立。鴻臚寺官贊起案。通事舍人以講案進。內侍展書。侍讀官進讀。讀畢。侍講官進講。講畢。通事舍人徹案。命賜酒飯。各官叩頭而退。○每日講讀儀與天順年所定同。但每日各官先詣文華門外東西向序立。候皇上御日講經筵畢。皇太子出閣陞座。○又題准東宮初講之時。閣臣連侍五日。以後仍于每月三、八、日一至。先行叩頭而出。然後各官進入供事。

【諸王讀書儀】

書堂在皇極門右廂房。講官選部臣或進士。改授翰林院官充之。

天順二年定。

初入書堂。其日早。王至右順門之北書堂。面東中坐。提督講讀并講讀官行四拜禮畢。內官捧書展于案上。就案左立。講讀官進立于案右。伴讀十遍。叩頭退。○一每日講讀。清晨王至書堂。講讀官行叩頭禮。伴讀十遍。出飯後復詣書堂。伴看寫字畢。講書直說大意畢。仍叩頭退。內侍以所寫字送內閣點看。

萬曆六年詳定。

一是日。王出閣。先期一日。內侍官設座於書堂內。坐西面東。設書案於座之左側。置書于案。設寫字案于座之右側。置筆硯做紙于案。是日早。輔臣率領講讀侍書官於書堂門外稍南。面北拱立俟候。王入書堂內坐定。令旨說先生每來。輔臣率各官進入行四拜禮。分班侍立。內侍官舉書案。就案左立。講讀官以次進立於案前。授書各十遍訖。令旨先生每喫酒飯。內侍官答應。各官出。王暫入書堂南間少憩。輔臣再率各官入侍。王寫字講書。候王出坐定。令旨說先生每來。輔臣同各官入。照前分班侍立。內侍官舉寫字案于座前。侍書官進至案前看寫字。寫畢。內侍官徹寫字案。舉講書案于座前。講讀官以次進講畢。各官行一拜禮出。仍於書堂外向北立。王進內。各退。輔臣看所寫字。圈註于旁。以備勸益。○一次日以後。每日早。王出書堂。各官進。行一拜禮。其授書講書看字。並如前儀。輔臣止侍看三日。三日後。講讀侍書官徑自如儀。授書講書看寫字。輔臣不預。至寫字畢。每日輪一內侍官捧做紙。送內閣圈註。○一王每日所讀書。大學一本。書經一本。授書務要字樣真正。講書直說大意務要通曉。先一日進講章。三日一溫書就溫講。

仍進講章。寫字先用影本。以後寫熟對帖自寫。○一各官酒飯。止是初入書堂時。令旨說一次。以後不必再說。只于講書罷。令旨與先生每茶喫。內侍官答應。歲率爲常。○一每年假日。聖節前後通九日。千秋節九日。正旦初一日至二十日。花朝一日。清明一日。端午前後通三日。七夕一日。中秋一日。重陽前後通三日。冬至前後通五日。臘八一日。除夕前五日。每月朔望各一日。遇大風雨暫免。遇大寒大暑該住歇時。請旨定奪。○一講讀侍書官俱于歸極門南廊。給與酒飯。○一先期一日。各該內外執事官。俱赴書堂演禮。○又合春講定以二月初旬起。至五月初旬暫止。秋講定以八月初旬起。至十月中暫止。○又題准。輟講之後。內侍書官照常啓請尋溫舊書。及日寫字。送開閣註講讀等官。遵照先年事例。半月恭詣書堂啓請。誦書習講。或別授新書等項。以效忠益。

明會典卷之五十三 禮部十一

【巡狩】

成祖未定鼎時。以北京爲行在。歲常巡幸。至肅皇巡承天。謁獻皇陵。禮詳載大狩錄。各朝俱不行。

永樂六年定

詔告天下諸司及各處鎮守總兵官知會。○一禮部預行各處。凡有重事。并四夷來朝俱違行在所。仍具本啓聞。其餘事務奏啓俱達京師。啓聞施行。事有疑礙者。在京合該衙門具奏。取自上裁。凡進拜表文。違行在所。箋文達京師。○一禮部預行經過所在軍民衙門。俟車駕至。官吏生員耆老朝見。及預行北京畿內文武衙門。令掌印官俟車駕至朝見。○一祭祀。車駕將發。奏告天地社稷太廟孝陵。祭大江旗纛等神。轅祭于承天門。其經過處所。滁州遣官祭滁陽王。泗州遣官祭祖陵。鳳陽祭皇陵。祭淮關里遣官祭先師孔子。望祭泰山。緣途古先聖賢忠臣烈士祠墳。禮部預期奏聞遣官致祭。將至北京境上。設壇祭北京山川等神。車駕至北京。奏告天地。祭告境內山川等神。○一扈從。在京馬步軍五萬人。內馬軍一萬。步軍四萬。馬軍五千。步軍五千。充駕前軍。餘馬軍五千。步軍三萬五千。分五軍率領。每軍馬軍一千。步軍七千。以都指揮指揮千百戶管領。錦衣衛仍選將軍五百人。校尉二千五百人。力士二千人。○一侍從。五府都督

各一員。首領官一員。吏六人。吏部堂上官一員。文選等四司官五員。辦事官二十員。歷事監生四十人。人才五十人。吏十人。戶部堂上官一員。北京等十二司官十三員。辦事官十員。吏二十四人。禮部堂上官二員。儀制等四司官七員。辦事官十員。吏十二人。鑄印局官一員。吏一人。匠六人。兵部堂上官一員。武選等四司官七員。辦事官五員。吏十五人。刑部堂上官一員。浙江等十二司官十二員。辦事官五員。吏十三人。工部堂上官二員。營繕等四司官十員。辦事官二十員。吏十五人。都察院堂上官一員。浙江等十二道監察御史二十四員。辦事官五員。吏二十四人。通政司堂上官二員。首領官一員。吏六人。大理寺堂上官一員。左右寺官六員。吏十人。太常寺堂上官二員。首領官一員。吏二人。贊禮郎四員。協律郎一員。司樂一員。樂舞生二十人。廚子五十人。光祿寺堂上官三員。首領官一員。署官十七員。辦事官六員。吏三人。廚子一千人。鴻臚寺堂上官四員。首領官一員。司儀司賓二署各一員。序班四十員。鳴贊四員。及通曉夷語者斟酌帶去翰林院內閣官三員。侍講修撰典籍等官六員。書制勅秀才八人。及譯寫四夷文字監生十三人。尚寶司官二員。吏科給事中三員。戶科給事中三員。禮科給事中四員。兵科給事中三員。刑科給事中三員。工科給事中三員。中書舍人四員。寫誥秀才五人。行人司行人十員。太醫院堂上官二員。御醫二員。生藥庫官一員。醫士摘選三分之一。吏三人。欽天監官三員。天文生十五人。教坊司奉鑾韶舞司樂各一員。俳長色長樂工斟酌用之。○一扈從文武官軍人等。陸路文武官員一等寫制誥秀才譯字監生。緊用供

用醫士天文生及廚役人等俱給馬羸驢匹馬官給外脚力驢給鈔六十錠令自備辦事官監生人才吏典及醫士廚役等非緊用者人給脚力鈔二十錠隨伍官員將軍校尉力士旗軍每二人給驢一匹如不敷亦給鈔六十錠自備水路俱應付船隻遇陸路應付車輛○一緣途各站每站增馬二十四令附近衛所馬軍內差撥仍令附近有司備車一百輛無車之處起夫五百人聽候○一經過處所支給糧草扈從官員人等人日給行糧二升馬日給料四升草一束驢料一升草一束○一車駕將發宴在京文武羣臣賜扈從文武官員軍校人等鈔公五十錠侯四十錠伯三十錠一品二品二十錠三品四品十五錠五品十二錠六品七品十錠八品九品八錠未入流及辦事官將軍總小旗人鈔七錠將軍及各衛總小旗人鈔六錠監生秀才吏典人才醫士樂舞生軍校力士廚子工匠人鈔五錠軍伴皂隸樂工人等人鈔四錠在外衛所扈從及各處駐劄官軍依京衛官軍例給賞○一車駕至北京宴文武羣臣耆老賜官員人等及命婦鈔其嘗守城命婦論次行賞○一遇萬壽聖節公侯駙馬伯文武官四品以上近侍官及監察御史預宴五品以下并辦事官監生秀才吏典軍工匠人等依例賜鈔一錠○一五府六部都察院大理寺錦衣衛各鑄印信通政司鴻臚寺各鑄關防○一扈從官員有牙牌者隨身懸帶以憑關防出入○一經過郡縣分遣廷臣考覈守令賢否即加黜陟分令給事中監察御史存問高年賜幣帛酒肉○一經過鳳陽陵戶及親戚人賜鈔六錠耆老迎見者人鈔三錠泗州陵戶親戚耆老迎見者賞如之

嘉靖十八年南巡儀

一先。上親奏告皇天于玄極寶殿。同日告聞皇祖太廟。皇考睿宗廟。遣官分告北郊。成祖。列聖羣廟。大社稷。帝社稷。朝日。夕月。天神。地祇。用祭服。太常寺備脯醢。酒果。翰林院撰告文。○一。轎祭于承天門。遣官祭。箴。蠶之神。用牲。體制帛。三獻如常儀。○一。駕發出正陽中門。后妃。輦。轎。後隨。錦衣衛設欽製武陳。駕備。輦。輿。儀仗等項。扈行本衛選精壯旗校八千人。內以六千人。專管擡奉。上座輿。輦。二千人。專管擡執。駕儀。及一應正直巡綽。傳宣等用。選委千百戶一百二十員。分投管理。各分撥班接替。行太僕寺調取寄養馬三千匹。兌給各旗校。更迭騎坐。以錦衣衛指揮充前驅使。領千百戶等官。先往肅清道路。簡命武職重臣二員。留守京城。兵部尙書一員。參與機務。勅行事。以武職大臣一員。總督整飭。宣大等處軍務。一員。提督薊州。山海關等處地方邊備。文職重臣一員。充行邊使。往遼東。薊州。宣大。鴈門。固原等九邊。閱視邊備。戶部齎銀隨去。勞賞官軍。各請勅行事。兵部奏請皇城四門。京城九門。大明門外兩邊守門文武大臣各一員。坐邊官侯伯二員。增設守門官軍。用科道官點關。京城內外巡捕官軍。行圍營。再選有馬官軍三千員。名分爲兩班。酌派五城地方。與同舊有官軍巡邏。仍選委坐營官及各提督把總等官。晝夜巡捕。安定德勝門。各土城門外。及鄭村壩。大黃莊。居庸關。白羊口。六處地方。該營揀選有馬官軍。每處一千員。名分爲兩班輪流下營防守。安定德勝門。土城。各用東西官廳。聽征總兵官一員。其餘各用參將一員。統領下營。

紫荊倒馬二關。保定撫鎮官揀選精銳有馬官軍。每關一千員名。分爲兩班。每月輪流下營守把。各委坐營官一員統領。○一兵部于團營東西官廳。御馬監勇士內。揀選官軍六千員名。給兌馬匹。內執武陳駕儀一千人。總兵官一員領之。駕前後各二千人。參將二員領之。駕左右各五百人。翼駕行左右副參將領之。及行文沿途撫鎮等官調撥兵馬。屯駐。願駕先期戶部請勅。命侍郎一員。率屬官六員。帶領太倉銀三十餘萬兩。前去沿途整理官軍糧料。工部請勅。差郎中一員。同內官監督理沿途橋道。及行宮。蕭殿。禮部行南北直隸浙江等十三布政司。凡有要緊重事。俱達行在所奏聞。其餘事務。俱達在京通政使司照常封進。各該衙門。啓請皇太子令旨行。其事有疑礙者。各差人赴行在具奏取旨。各處拜進表箋。除歲例等項。赴在京禮部。照常類收。啓請司禮監官捧進。其特賀大禮。不係常典者。原差人恭詣行在投進。○一愿從官。五府堂上官各一員。首領官各一員。吏各一人。吏部堂上官一員。文選等四司官各一員。辦事官六員。吏六人。戶部堂上官二員。浙江等十三司官各一員。辦事官二員。吏十三人。禮部堂上官二員。儀制等四司官共六員。鑄印局官一員。辦事官六員。儒士三人。吏十二人。鑄印匠四人。兵部堂上官一員。武選等四司官共六員。辦事官一員。吏六人。刑部堂上官一員。浙江等十三司官各一員。辦事官一員。吏十三人。工部堂上官二員。營繕等四司官共十員。辦事官二員。吏十人。都察院堂上官二員。浙江等十三道監察御史各二員。辦事官四員。吏十三人。通政司堂上官二員。首領官一員。辦事官二員。吏二人。大理寺堂

上官一員。左右寺官二員。辦事官二員。吏二人。太常寺堂上官六員。首領官二員。屬官十員。吏二人。執事人役四十人。廚役三十人。光祿寺堂上官二員。四署官四員。吏四人。廚役二百人。太僕寺堂上官一員。首領官一員。吏一人。鴻臚寺堂上官俱從。司儀司賓各一員。鳴贊四員。序班十六員。通事四員。翰林院堂上官。并講讀等官四員。制勅誥勅二房官共二十員。譯字官生四人。吏十人。尙寶司官四員。吏一人。六科給事中十二員。吏六人。中書舍人一員。吏一人。行人司行人十員。吏三人。太醫院堂上官五員。御醫吏目八員。聖濟殿醫士選帶三分之一。吏二人。欽天監堂上官一員。博士等官八員。天文生陰陽人共十人。吏一人。教坊司奉鑾韶舞司樂八員。俳色長樂工二百人。扈從文武內外官及各項人役。合用夫馬驢羸車輛廩給口糧。各項應付事宜。兵部定擬奏請。轉行在外有司。一體應付。內府印綬監收貯。先年行在衙門印信關防。禮部領出。給付各扈從官使用。尙寶司給領文武字樣牙牌。○一駕發留守大臣率在京文武衙門官員。各俱吉服。先期赴宣武門外彰義關。候送。駕過。退。扈從官分程先發。在途俱免朝參。候駕。惟禮兵二部。鴻臚寺。太常寺。科道糾儀官。從行。光祿寺隨路預辦御膳酒飯供具。凡遇行宮進膳處所。各該撫按守巡兵備等官。選委精壯官軍。披帶盔甲器械。拱衛乘輿。不許喧譁錯亂。違者聽錦衣衛即時具奏。拏問。其扈駕官軍。戶部給散行糧。工部辦鍋竈。不許分外索害有司。及入民舍混擾。違者許被害之人。赴撫按衙門告治。仍行隨駕緝事官校。訪拏重治。各該軍衛有司。不許分外科歛。違者聽撫按官體訪指實。參究重

治各衙門跟隨吏書人等各照兵部原行關文于軍衛有司驛遞衙門應付不許分外多索其應付衙門亦要即時應付毋得遲悞違者俱赴所在官司告治經過駐劄地方原有商賈店鋪開賣飯食等物照常市買不許躲避亦不許從駕人員用強輕價勒買違者許被害之人即時告治兵部咨行各該巡撫官預先出給榜文曉諭○一經過處所真定望祭北嶽恆山之神用牛犢羊豕上具常服行禮如常儀五府九卿巡撫大臣吉服陪拜衛輝遣官祭濟瀆之神用太牢鈞州望祭中嶽嵩山之神榮澤祭河神俱用太牢行禮如北嶽南陽遣官祭武當山之神用牲犢沿途古帝王聖賢忠臣烈士祠墓禮部查訪預期奏聞遣官致祭帝王用太牢次用少牢又次脯醢酒果凡祭翰林院撰祭文○一各處撫按并三司官俱于所屬境上候駕先赴行在鴻臚寺報名駕至行宮各俱吉服朝見所過府衛州縣官吏生員耆老人等俱于三十里外候迎道傍跪叩頭駕過退駕至行宮鴻臚寺引見俱行五拜三叩頭禮○一各處近路王府許親王具常服預先出城候駕其餘宗室俱不許擅離府出迎○一諸王迎接先期命文武大臣侍于途王于道傍拱立文武大臣下馬侍上左右禮部尚書跪奏某王某恭迎聖駕見內侍官引王至駕前跪行叩頭禮禮部尚書進立于上前候旨承旨訖起立傳旨示王隨至行宮上入少憩王具冕服欽定文武大臣于殿內左右侍從從官于丹墀東西侍班候上陞座鴻臚寺官引王由殿左門入至拜位贊行五拜三叩頭禮畢上命賜宴內侍官引王于別次少候從官叩頭如常儀王宴畢遣大臣伴送回府駕還先以香止諸王勿煩出送○

一上臨舊邸。恭詣皇考睿宗獻皇帝廟謁告。儀具祠祭司越四日。行祭告皇天禮于龍飛殿丹陛。奉皇考睿宗獻皇帝配。是日上更皮弁服。詣國社壇及山川壇。行告祭禮。次日恭謁顯陵。儀見祠祭司次日。從駕官上表賀。遂頒詔。前期一日。鴻臚寺陳設表案。詔案于龍飛殿中。錦衣衛設隨駕朝儀。及迎詔綵輿香亭于丹墀。教坊司設中和韶樂。百官各具朝服。地方官吏師生耆老人等。俱隨班行禮。是日早。鳴鐘鼓。上具冕服御後殿。執事官行禮畢。上陞殿。鳴鞭。欽天監官唱時。鴻臚寺贊入班。贊四拜。興。平身。唱宣表目。宣表目官宣訖。唱宣表。宣表官宣訖。贊俯伏。興。贊四拜。興。贊。頒詔。翰林院官捧詔授禮部尚書。捧詔置雲盤內。叩頭。興。由殿中門出。置綵輿內。錦衣衛官校舉輿。教坊司鼓樂前導。百官趨出。候于龍飛門外。鴻臚寺贊入班。行四拜禮。贊跪。宣詔畢。贊俯伏。興。搢笏。贊舞蹈。山呼。出笏。贊四拜。興。平身。禮畢。禮部尚書捧詔出。臚黃。奏差行人等官。頒示天下。○一聖駕回京。上親奏謝皇天上帝于玄極寶殿。同日告謝皇祖太廟。皇考睿宗廟。如常儀。文武官例該陪祀者。俱具祭服陪拜。遣官分告北郊成祖。列聖羣廟。大社稷。帝社稷。朝日。夕月。天神。地祇。太歲。旗纛。都城隍等神。承天門之神。俱行禮如初。○一百官上表稱賀。如常儀。

洪武五年定

車駕出入。有司肅清道路。官民不許開門觀望。行立。所在官員父老合迎駕者。于仗外路右。叩頭俯伏。候車駕前行方起。若遇駐蹕之處。合迎駕之人。行五拜禮。車駕行處。有衝入仗內者。絞。仗外五十步內觀望。

者杖一百如于郊野外一時不能迴避者俯伏行立觀望者杖一百典仗衛官故縱者同罪失覺減二等陳訴冤抑仗外俯伏以聽如衝入仗內者如律合迎車駕之人仗外不俯伏者亦如律車駕所至凡文武官非近侍及宿衛護駕而在五十步內者依例俯伏行立觀望者如律縱放牲畜突入仗內者杖八十凡皇城宿衛及在京守門官員軍士遇駕出入執仗肅立不須迴避其在外城鎮守門官及士卒如遇車駕經行則俯伏迴避

【親征】

按大明集禮天子親征祭告天地宗廟社稷禱祭旗纛所過山川皆行祭告師還奏凱獻俘于廟社以露布詔天下然後論功行賞蓋自我二祖行之今具列其儀以備考

洪武三年定

一祭告天地前期擇日皇帝服武弁乘革輅備六軍以牲犢幣帛祭告作樂行三獻之禮○一告太廟前期擇日皇帝服輅同前每廟用牲幣行三獻之禮其儀皆同時享但凱還則陳俘奏凱于廟南門外○一告太社前期擇日皇帝服輅同前以牲犢幣帛作樂行三獻之禮其儀同春秋祭社稷之儀但凱還則陳俘奏凱于社北門外○一禱祭於國南羣神祠設旗纛皇帝服皮弁備牲犢幣帛行三獻之禮儀見祠祭司○一所過山川有司具牲幣皇帝服皮弁行一獻禮儀見祠祭司○一凱還皇帝率諸將以凱樂俘獻陳于廟社

門外，伺告畢，以俘馘付刑部，協律郎導樂以退，其告祭行三獻禮，儀與出師同。○一宣露布，皇帝服通天冠，絳紗袍，陞午門樓上，以露布詔天下，百官具朝服聽詔，儀與開讀詔敕同。○一論功行賞，中書省移文大都督府、兵部，具諸將功績，吏部具勳爵職名，禮部、戶部具賞格，中書集六部論定功賞，奏取聖裁。至日，皇帝服袞冕，御奉天殿，百官朝服，宣制大賚，詔告天下。儀見後。○一諸將受賞，具表箋稱謝。

論功行賞儀

前期內使監陳御座香案于奉天殿，如常儀。尙寶司設寶案于殿上正中，侍儀司設詔書案于寶案之前，設誥命案于丹陛正中之北，設皇太子諸王侍立位于殿上之東北，設承制官承制位於殿上之東，及宣制位于丹陛誥命案之北，吏部尙書、戶部尙書、禮部尙書位于殿上之東南，設大都督府兵部尙書位于殿上之西南，應受賞官拜位于丹墀之中，異位重行序立位于丹墀之西南，受賞位于誥命案之南，受賞執事位於受賞官序立位之西。每受賞官用傳禮命，俸禮物者各一人。知班二人位于受賞官拜位之北，贊禮二人位於知

班之北，典儀二人位于丹墀上之南，文武官侍立位于丹墀之北，俱東西相向，侍從班起居注、給事中、殿中侍御史、尙寶卿、侍儀司官位于殿上之東，懸刀武官位于殿上之西，殿前班指揮司三人位于丹陛西，東向，光祿寺三人位于丹陛上之東，西向，拱衛司二人位于殿中門之左右，典牧所官二人位于仗馬之前，宿衛鎮撫二人位于丹陛下，護衛千戶二十八人，位于宿衛鎮撫之南稍後，俱東西相向，護衛千戶八

人位于奉天殿東西門之左右。將軍二人位于殿上簾前之東西。將軍六人位于奉天殿門之左右。將軍四人位于丹陛上之四隅。將軍六人位于奉天門之左右。俱東西相向。鳴鞭四人位于丹陛之南。北向。是日擊鼓初嚴。金吾衛列旗幟器仗。拱衛司設儀仗車輅。典牧司陳仗馬虎豹。內使監擎執。樂工陳樂。皆如正會之儀。禮部陳設詔書。吏部陳設誥命。戶部陳設禮物。陳設執事各立于案之左右。殿前班糾儀。典儀知班贊禮。宿衛鎮撫護衛將軍各入就位。舍人催受賞官及侍立文武官。各具朝服。擊鼓次嚴。侍從班文武官入迎車駕。舍人引受賞官齊班於午門外之南。文武官齊班於午門外之北。俱東西相向。擊鼓三嚴。侍儀版奏中嚴。御用監官奏請皇帝于護身殿袞冕。皇太子諸王子奉天殿門東耳房具冕服。舍人引文武官入就丹墀侍立位。引受賞官入就丹墀序立位。侍儀版奏外辦。皇帝御輿以出。仗勁樂作。侍衛導從如常儀。陞御座。捲簾鳴鞭。樂止。司晨報時雞唱訖。引進引皇太子諸王自奉天門東門入。樂作。由東陞陞殿東門入至侍立位。樂止。舍人引受賞官入就拜位。知班唱班齊贊禮唱鞠躬。樂作。拜興。拜興。拜興。與平身。樂止。承制官前跪承制。由殿中門出中陞。降至宣制位。吏部尚書。戶部尚書。禮部尚書。由西門出西陞。降立于誥命禮物案之東。承制官南向。稱有制。贊禮唱跪。受賞官皆跪。承制官宣制曰。朕嘉某等爲國建功。宜加爵賞。今授某以某職。賜以某物。其共承朕命。受賜員數不拘宣畢。贊禮唱俯伏。興。樂作。拜興。拜興。與平身。樂止。贊禮唱行賞。舍人引受賞官第一人詣案前。贊禮唱跪。搢笏。吏部官捧誥命。禮部官捧禮物。

各授受賞官。受賞官受誥命禮物，以授左右。左右跪受于受賞官之左，興退復位。贊禮唱出笏，俯伏興復位。舍人引受賞官復位，引以次受賞官詣案前，皆如常儀。承制官、吏部尚書、戶部尚書、禮部尚書，由西階。陞西門入跪上位之西，奏承制訖，興各復位。贊禮唱鞠躬，樂作四拜，平身樂止。贊禮唱拈笏，鞠躬三舞蹈。跪，山呼萬歲，山呼萬歲，再山呼萬歲。樂工軍校齊聲應之，出笏俯伏興，樂作拜興，拜興，拜興，平身樂止。贊禮唱禮畢，侍儀跪奏禮畢，鳴鞭。皇帝興，樂作警蹕，侍從導引至謹身殿，樂止。引進引皇太子諸王還宮，舍人引受賞官及文武官以次出。至午門外，以誥命禮物置龍亭，用儀仗鼓樂各送還本第。

【獻俘】宜捷附

永樂四年定

前期兵部官以露布奏聞，禮部告示文武百官，具朝服并坊廂里老人等，行慶賀禮。先一日內官設御座于午門樓前楹正中。是日早，錦衣衛設儀仗于午門前御道之東西，教坊司陳大樂于御道南，東西北向。鴻臚寺設贊禮二人于午門前，東西相向。承制官一員，位于午門前，東立西向。設宣制位于午門東，稍南西向。設文武官及諸蕃使客人等侍立，位于樓前御道南，文東武西相向。設露布案于午門前御道東，設宣露布官一員，展露布官二員，及刑部獻俘官位于午門前御道東，稍南西向。設獻俘將校位于午門前御道西，稍南北向。設進露布官位於御道南，稍東。引禮引文武官東西序立。引進露布官捧露布置于案。

退就位。獻俘將校引俘列于午門前西邊武班之後。上位常服御奉天門。鐘聲止。鴻臚寺跪奏請上乘輿。樂作。至午門樓上陞座。樂止。鳴鞭訖。贊禮贊進露布官四拜。樂作。平身。樂止。贊進露布。樂作。執事者舉案置於中道。樂止。贊宜露布官跪。宜露布官與展露布官詣案前。取露布跪宣訖。仍置於案。退。贊俯伏。與樂作。四拜。平身。樂止。執事者舉案復置於御道東。引禮引進露布官退。贊獻俘。獻俘將校引俘至獻俘位。北向立定。俘跪于前。刑部官詣樓前中道跪奏云。具官臣某奏云。某官以某處所俘獻。請付所司。伺旨。有合受刑者。立于西廂東向。以付刑官。若上釋罪。承制官詣御道跪請制。由東街南行至宣制位。西向立。稱有制。所獲俘囚。咸赦其罪。宜旨曰。有勅釋縛。所釋之俘叩頭訖。將校引俘起。引禮贊文武百官入班。北向立。唱排班。班齊。致詞官詣中道跪致詞。云云。賀訖。贊鞠躬。樂作。五拜三叩頭。與平身。樂止。鴻臚寺跪奏禮畢。樂作。駕興。樂止。百官以次退。次日行開讀禮。如常儀。第三日文武百官上表行慶賀禮。如常儀。

萬曆二年定

前期禮部告示文武百官具朝服。詣午門前行慶賀禮。先一日內官設御座于午門樓前。正中是日早。錦衣衛設儀仗于午門前。上位常服。御皇極殿。鐘聲止。鴻臚寺跪奏請上乘輿。樂作。至午門樓上陞座。樂止。鳴鞭訖。鴻臚寺官宣奏畢。贊獻俘。將校引俘至獻俘位。北向立定。俘跪于將校之前。刑部官詣樓前中道跪奏云。具官臣某奏云。某官以某處所俘獻。請付所司。候旨。傳下。刑部官承旨訖。卽同將校押出施行。

文武百官入班北向立唱排班班齊致詞官詣中道跪致詞稱賀訖贊鞠躬樂作五拜三叩頭興平身樂止鴻臚寺跪奏禮畢樂作駕興樂止百官以次退

宣捷

凡各處奏捷鴻臚寺于早朝將差來人役引至御前宣讀捷音○隆慶六年令擇吉宣捷至日不奏事次日行慶賀禮○萬曆八年定凡大捷于常朝期宣奏捷音是日百官各具吉服候宣捷之後鴻臚寺官致詞行五拜三叩頭禮本日早即遣官薦告郊廟行翰林院撰文太常寺辦祭品中捷以下止宣捷不行祭告慶賀禮

明會典卷之五十四 禮部十二

【東宮監國】

皇帝有巡狩，然後令皇太子或皇孫監國，故其儀止見于永樂嘉靖間。

永樂七年定

時駕幸北京

一朝儀。凡常朝於午門左視事。其左右侍衛及在京各衙門官員人等合啓事務如常儀。若皇太子御文華殿，官員人等承旨召入者方許入。○凡在京文武衙門遇有內外軍機及王府切要事務，悉奏請處分。其有各處啓報聲息，卽調邊軍勦捕，仍遣人馳赴行在所奏聞。皇城四門各城門守衛圍宿，比常時皆須增撥官軍，仍每日操閱軍馬。如各衙門稱奉令旨調遣官軍及處分事務，所司須覆啓施行。○一慶賀。凡遇萬壽聖節，正旦、冬至先期，皇太子率文武百官于文華殿前拜進表文。是日早設龍亭于文華殿中丹陛上，設駕、大樂、鳴鐘鼓。皇太子具冕服于丹陛上，百官具朝服於丹墀內，行十二拜。如常儀禮畢，儀仗鼓樂導表由中門出，皇太子由左門送至午門，還宮。文武百官導至長安右門外，文官五品以上，武官四品以上，及近侍官、監察御史俱乘馬導至三山門外，以表授進表官。百官各回。至期行告天祝壽禮。是日早設香案于文華殿丹陛上，設駕、大樂、鳴鐘鼓。如常儀。皇太子具冕服於丹陛上，文武百官具朝服于丹墀

內行八拜如常儀。其在京文武衙門遇萬壽聖節。禮部同文職衙門共進表一通。中軍都督府同公侯駙馬伯官職衙門共進表一通。正旦冬至亦如之。其正旦冬至千秋節文武百官于文華殿行慶賀禮如常儀。其有王府遣人詣東宮前行禮。卽納其禮物。宴賞差來人。其應答禮者。奏聞處分。○一祭祀。凡遇享太廟祭社稷風雲雷雨山川之神。預期勅皇太子攝祭。其祀典神祇太常寺預期于行在所奏聞。遣官行禮。○一宴賞。凡四夷來朝。循例宴之。皇太子命禮部遣人送行在所。正使人給鈔十錠。從人五錠。爲道里費。其每日賞賜。有例者循例。無例者臨時斟酌賞之。其京衛軍士冬夏布絹及邊衛軍士冬衣綿布。循例給賞。其有折賞物色。該部定擬具啓施行。○一選法。凡文選六部都察院翰林院太醫院欽天監堂上官尙寶司通政司大理寺太常寺光祿寺鴻臚寺國子監堂上掌印官六科都給事中。并在外布政使王府長史有缺。吏部奏請擢用。其考滿黜陟并復職改用等項。常選官員俱循例具啓銓注。其武選除在京五府都督在外各都司都指揮缺員者。及土官衙門奏保土人任職者。兵部奏請擢用。其餘襲替優給及例應陞降改調官員。具啓銓注。其土官例應襲替及保用通事把事隨司辦事長官。該部具啓裁度。餘悉奏請處分。其內外大小文武官員俱從行在吏部兵部奏請銓選。其有開說大小衙門該部奏請定奪。○一刑名。凡內外文武大小官員有犯。所司具啓准問者。問之。若皇親犯小事。令其在家聽候。具由奏請待報。若所犯重情及干謀逆者。卽時拘執在官。先命皇親會問。若事有未當及犯人不服。乃命公侯伯五府六部

都察院大理寺會皇親再問畢。將所服情犯及擬議罪名具啓。候車駕回京奏請處分。其在外王府護衛指揮。并長史及土官有犯事干惡逆。先行收問。然後奏聞。其餘所犯預奏待報提問。其法司問擬罪合決死罪者。奏請待報。其餘所犯悉具啓決放。如特奉令旨原免者。不拘此例。○一迎詔。凡詔書至。禮部設龍亭。錦衣衛設儀仗。教坊司設大樂。文武百官各具朝服。出三山門外奉迎。使者到三山門外下馬。候龍亭來。捧置詔書于龍亭中。使者立於龍亭之東。百官行五拜三叩頭禮訖。衆官乘馬前導。使者上馬。在龍亭後東邊行。至長安右門下馬。隨龍亭後東。由中門入。文武百官于承天門外橋南侍立。東宮殿下具冕服。于午門前五丈餘地奉迎。至文華殿置龍亭於正中。使者立于東。東宮殿下于殿前臺上。樂作。行五拜三叩頭禮畢。樂止。陞殿。殿下展詔讀訖。使者捧詔置龍亭中。殿下送至午門內。錦衣衛先設雲輿于午門外正中。禮部官置詔書于雲輿中。文武二品以上官迎至承天門。鴻臚寺先設開讀案于承天門稍東。文武百官入班。贊禮唱排班。班齊。鞠躬。樂作。四拜。平身。樂止。贊開讀。使者取詔授開讀官跪受。使者復立位所。贊跪。衆官皆跪。開讀訖。開讀官捧詔授使者。復置雲輿中。贊俯伏。樂作。四拜。平身。樂止。贊搯笏。鞠躬。三舞蹈。贊跪。唱山呼萬歲者三。贊出笏。俯伏。樂作。四拜。興。平身。樂止。贊禮畢。百官以次退。使者捧詔書出承天門外。復置龍亭中。鼓樂送至會同館。使者見東宮殿下。行四拜禮畢。其日宴。使臣于禮部本部官待宴。

十二年奏定

時駕北征

凡常朝於文華殿視事。其在京文武衙門。凡有應合奏啓事件。奏本俱達北京。敢有隱匿者。治以重罪。其在京衙門合其啓事務。仍依常例。若係應奏。隨卽具奏待報。其東宮發落事件。六科按月差人類進北京。敢有于題本上增減改寫旨意者。凌遲處死。全家籍沒。其各衙門差人出外幹辦公事。仍將所辦事務開具奏報。○凡祀典神祇。合應遣官祭者。太常寺預期具啓。遣官行禮。○凡皇親并軍職。王府護衛指揮長史等官。與各處土官有犯者。俱奏請提問。在京文武衙門官員有犯者。堂上官具奏待報發落。五品以下者。具啓擊問。在外文職衙門官員有犯者。方面及四品以上。該衙門奏請提問。五品以下具啓擊問。

十三年奏定

凡京衛軍士冬衣布絹。及邊衛軍士冬衣布花襖。俱行在戶部奏請施行。○凡進春。其日早。文武百官各穿顏色衣服於文華殿門外侍班。如常儀。應天府置春案于文華門丹墀中道之東。候東宮殿下陸座。引禮引府縣官舉春案。由東陸陸置于殿門外中道。各就拜位。贊鞠躬。四拜。平身。禮畢。文武百官慶賀。行叩頭禮。

嘉靖十八年定

時駕南巡

一東宮朝駕儀仗等件。勅內府各該衙門。先行造辦。○一請勅欽命輔臣一員。居守京師。保護皇儲。一應軍國機務。悉聽啓行。○一在京文武衙門。遇有內外軍機。各王府緊要重大事務。悉奏請處分。其有各處

啓報聲息。卽調邊軍勦捕。仍遣人馳赴行在所奏聞。○一皇城四門。京城九門。比常皆增撥官軍守護。留守武職大臣。同參贊尙書。仍每日操閱軍馬。各衙門稱奉令旨調遣官軍。及處分事務。所司須覆啓施行。○一五府九卿各衙門。凡有緊要重事。俱達行在所奏聞。其每月進繳精微監生考勳宴賞鈔錠。官軍俸糧。及五府比試等項。俱照常啓行。○一祭祀。凡遇忌辰陵祭。各常典祭。至期太常寺啓請取令旨遣官行禮。郊廟社稷之祭。候勅命行。○一各處拜進表箋特賀大禮。不係常典者。原差人恭詣行在所投進。其進賀中宮。東宮箋文。俱在京禮部類收。司禮監官捧進。○一各王府進慈孝獻皇后香。并南京進香官。朝鮮國吊使。禮部啓請命司禮監官捧進几筵。照例給賞綵段鈔錠。○一吏部會推在京堂上官。六科都給事中。在外方面官知府。俱行在吏部奏請擢用。其大選急選。并取選遠方監生。及考滿復職等項。俱循例啓行。○一各王府請給誥命勳臣襲爵。歿後追封。兩京堂上官贈諡。公侯伯。內外文職官員。請給誥勅。兩京三品以上官廕子。各處土官襲職。俱行在吏部奏行。其官吏人等。丁憂查放。起復官員。付選。查題散官等項。俱照常啓行。○一兵部推補兩京五府錦衣衛。在外總兵參將。各都司掌印僉書。俱奏請擢用。其大選軍職。查黃績黃官舍。襲替優給。土官襲替。及保用通事把事隨司辦事長官等項。俱具啓裁度。○一各處奏報邊功。應該覈勘。及勘明應該陞賞等項。俱啓請行。○一在外撫按官劾奏不職文武官。文官方面以上。武官參將以上。奏聞待報。○一京衛軍士冬夏布絹。及邊衛軍士冬衣布花襖。但係年例給賞等項。錢

權該衙門啓請行○一在京各邊鎮遇有緊急調用馬匹啓請調取兌用○一在京各衙門赴行在奏事人俱兵部啓請給關應付○一各王府奏訴重情辨復爵位祿米者俱詣行在所奏聞其請名請封請婚等項在京具啓行○一天下歲貢生員到部者該部查照事例啓行○一四夷朝貢人員到京一應賞宴該部照例啓行○一法司問擬罪犯除重囚奏請待報其餘悉具啓決放勅諭審錄矜疑罪囚例該覆題及京官軍職犯人例該參提俱奏請定奪○一刑名凡內外大小官員有犯具啓准問者問之若所犯情重該衙門具由奏請待報○一都察院點差各處巡按御史具奏行在餘差及考察公差回道御史俱啓行中間有推姦避事賊濫不職者具奏○一通政司每日收過奏題本照常封進下科發抄各衙門啓行其有疑碍難行者差人赴行在取旨○一大理寺審錄罪囚詳擬罪名干係生殺并提問大小京官具奏其每月繳刑部都察院問過囚犯奏本照常啓行俱送科備照

【皇太孫監國】

永樂八年

時駕北征皇太子監國於南皇長孫監國於北後皇長孫行冠禮始稱皇太孫云

一每日皇長孫于奉天門左視事侍衛如常儀諸司有事具啓施行若軍機及王府要務一啓皇太子處分一奏聞行在所○一遇萬壽聖節設香案于奉天殿丹陛上皇長孫具色服於丹陛上行禮文武官員朝服于北京行部行禮如常儀天下諸司表文俱詣北京進賀四夷朝貢俱送南京禮部啓皇太子施行

○一文選行在六部都察院等衙門及北京行部所屬衙門。如有缺員應除補者。五品以上行在吏部。移咨南京吏部。啓皇太子選補。六品以下及考滿起復。例應陞降復職。及對品改用常選官。撥用吏典。俱循例啓皇長孫施行。○一武選行在五軍都督府及行在後軍都督府所屬衙門。例應襲替優給降陞者。行在兵部。亦循例啓皇長孫施行。其餘非常選者。啓皇太子斟酌行之。○一內外官吏軍民有犯。所司啓皇長孫施行。若皇親有犯。小事令其在家聽候。所司啓皇太子待報施行。若所犯情重。及于謀逆者。所司拘執先命皇親會問。若事未當。及犯人不服。乃命公侯伯五府六部都察院大理寺會皇親再問。將所伏情犯。啓皇太子候車駕回京。奏請處分。其王府護衛指揮及長史。有犯干惡逆者。先行收問。然後啓皇太子。其餘有犯。啓皇太子待報收問。其行在刑部都察院北京行部議擬囚人應死者。監候啓皇太子待報施行。餘悉啓皇長孫裁決。

其類皆屬名貴大之則其類皆屬其日

其類皆屬名貴大之則其類皆屬其日

其類皆屬名貴大之則其類皆屬其日

其類皆屬名貴大之則其類皆屬其日

其類皆屬名貴大之則其類皆屬其日

其類皆屬名貴大之則其類皆屬其日

其類皆屬名貴大之則其類皆屬其日

其類皆屬名貴大之則其類皆屬其日

其類皆屬名貴大之則其類皆屬其日



其類皆屬名貴大之則其類皆屬其日

其類皆屬名貴大之則其類皆屬其日

其類皆屬名貴大之則其類皆屬其日

其類皆屬名貴大之則其類皆屬其日

其類皆屬名貴大之則其類皆屬其日

其類皆屬名貴大之則其類皆屬其日

其類皆屬名貴大之則其類皆屬其日

其類皆屬名貴大之則其類皆屬其日

明會典卷之五十五 禮部十三

【王國禮一】

【封爵】

國家稽古法，對同姓王二等，將軍三等，中尉三等，女封主君五等，具載祖訓職掌諸書。其後宗庶日蕃，禁防寢備，諸凡奏封等項，稽覈尤嚴。嘉靖末年，定爲宗藩條例，萬曆十年，刪訂畫一，欽定名曰宗藩要例，今見行，具列于後。

凡封爵典制，洪武初定，親王嫡長子年及十歲，立爲王世子。如或以庶奪嫡，輕則降爲庶人，重則流竄遠方。王世子承襲親王，朝廷遣人行冊命之禮。如無嫡長子，以庶長子承襲。親王次嫡子及庶子，年至十歲，皆封郡王。子孫未封者稱王子，王孫皆稱爵官。郡王嫡長子襲封郡王，郡王受封，并郡王嫡長子襲封者，亦行冊命之禮。如無嫡長子，以庶長子承襲。次嫡庶子俱授鎮國將軍，鎮國將軍之子授輔國將軍，輔國將軍之子授奉國將軍，奉國將軍之子授鎮國中尉，鎮國中尉之子授輔國中尉，輔國中尉以下俱授奉國中尉。○永樂間定鎮國將軍從一品，舊三品，輔國將軍從二品，舊四品，奉國將軍從三品，舊五品，鎮國中尉從四品，舊六品，輔國中尉從五品，舊七品，奉國中尉從六品，舊八品。世子嫡長子封世孫，郡王嫡第一子封長子，長子嫡第一子封

長孫親王選婚封親王妃。世子封世子妃。郡王封郡王妃。世孫封世孫夫人。長子封長子夫人。長孫封長孫夫人。鎮國將軍封鎮國將軍夫人。輔國將軍封輔國將軍夫人。奉國將軍封淑人。鎮國中尉封恭人。輔國中尉封宜人。奉國中尉封安人。親王女封郡主。郡王女封縣主。鎮國將軍女封郡君。輔國將軍女封縣君。奉國將軍女封鄉君。中尉之女俱稱宗女。世子女與郡王女同。世孫及郡王長子女與鎮國將軍女同。長孫女與輔國將軍女同。其靖江王府合比正支郡王。遞減一等。女封縣君。將軍以下照例遞減。○弘治十年定郡王出府止封一妃。鎮國輔國將軍各止封一夫人。奉國將軍封一淑人。鎮國中尉封一恭人。輔國中尉封一宜人。奉國中尉封一安人。妾媵不封。

凡親王封典。萬曆十年議准。親王薨逝。其子應襲封。及世孫承重者。先請勅管理府事。俟服制已滿。方許請封。不得服內陳乞。正德四年例。若薨而絕嗣。許親弟親侄進封爲親王。如無親弟親侄。以次推及倫序相應者。進封。該有期功服制。亦先請勅管理府事。俟本等服制滿日請封。日後子孫除承襲親王外。其餘俱照

依原封世次。授以本等爵級。不准加封。若嘉靖四十四年例。前加封者。姑准照常傳襲。例後加封者。查照世次改正。其進封者。所支祿米。如原係郡王。仍支郡王祿。原係將軍中尉。仍支將軍中尉祿。日後子孫襲

王亦照始進封之祿支給。萬曆七年例

凡追封親王。嘉靖八年。令凡孫襲祖爵者。得追封其父母。曾孫襲曾祖爵者。得追封其祖父母。父母。旁支

襲爵者得追封其本生祖父母。父母妻先故者得追封爲妃。同王。○萬曆七年議准世子早逝其子承襲

而追封者子孫封爵姑免查革若原非聽繼親王人數特以子進封而得追封者雖在例前其次嫡庶子

止授本等官職已封者姑俟身終其子改正若追封在例後者雖係世子其次子止照原議授以本等官

職○十年議准親王薨逝世子先故或以孫承襲而追封世子爲親王或親王故絕旁支進封而追封其

父爲親王其次子以下俱照依原封世次授以本等爵級不准加封若嘉靖四十四年例前加封者姑准

照常傳襲例後加封者查照世次改正

凡郡王封典萬曆十年議准凡郡王薨逝原與親王同城者其子孫服滿之日照常請封若另城者應襲

子孫先請勅管理府事亦候服制滿日請封故絕者俱不得襲封與親王同城者其宗支自奉親王約束

止許推舉倫序相應之人以本等爵職請勅奉祀另城者許推舉一人以本等爵職請勅管理府事亦不

得陳乞繼封。正德四年例若以郡王進封親王者其郡爵亦不許補襲請勅奉祀如前例。嘉靖四十四年例

凡追封郡王萬曆十年議准郡王薨逝長子先故其孫承襲之後例得追封長子爲郡王其次子以下俱

照依原封世次授以本等爵級不得比世子例前追封親王例。弘治七年例其追封親王郡王之嫡

配已故一體追封爲親郡王妃若係見存亦准加封但止請勅知會不遺官冊封不給冠服等件。弘治十年例

凡請改封典萬曆十年議准親王嫡長子封爲世子次嫡庶子封爲郡王郡王嫡長子封爲長子次嫡庶

子封爲鎮國將軍。如世子長子有故。親王次嫡子改封世子。郡王次嫡子改封長子。或妃年五十以上無出。及妃已故。親王庶長子亦改封世子。郡王庶長子亦改封長子。若未封者。徑得請封。親王嫡長孫封爲世孫。郡王嫡長孫封爲長孫。親王嫡長曾孫封爲曾世孫。郡王嫡長曾孫封爲曾長孫。如世孫長孫有故。次嫡庶孫應繼王爵者。亦許改封爲世孫長孫。嘉靖四十四年例。

凡庶子襲封。萬曆十年議准。親郡王娶有內助妾媵。不論入府先後。已未加封。所生之子。皆爲庶子。如嫡子有故。庶子襲封。父爵定以庶長承襲。若有越次爭襲。朦朧奏擾者。將本宗參究。削治輔導官。并同謀撥置之人。行巡按御史提問治罪。

凡請封生母。洪武二十五年議准。王妃以下有所出者。稱夫人。○弘治四年定。親王庶子受封。其母始封夫人。○十三年奏准。親王妾媵生女者。不得援生子例。請封夫人。○嘉靖四十三年題准。親王之妾。其子已襲封親王。而嫡妃不存者。准封次妃。俱止請勅知會。不給誥命冠服。身後減半祭葬。○萬曆七年議准。將軍以下。其生母年踰七十者。許其陳情。各從子爵秩。准與封號。○十年議准。親王庶子襲封親王。而嫡母不存者。生母許封次妃。弘治十年例。但不得濫請繼

妃封號。郡王庶子襲封郡王。而嫡母不存者。生母亦許封次妃。俱止請勅知會。不給誥命冠服。身後與祭一壇。無葬。若已故者。俱准追封次妃。其親王庶子初封郡王者。生母止封夫人。弘治四年例。不在次妃之例。將

軍中尉。如嫡母不存。其生母亦各從子之爵秩授封。夫淑恭宜安人。止行文該府知會。俱不給誥命祭葬。若已故者。亦准追封。其養母。庶母不許一槩濫請。至于生母年老多疾。其子願請出府就養者。許其陳乞。

嘉靖十年例子多者。仍聽遞相迎養。萬曆七年例

凡遣使冊封。嘉靖三十二年題准。每年冊封。三月初旬傳制遣官出京。○四十四年奏准。冊封親王及親王妃。勳戚大臣爲正使。翰林坊局六科尙寶及卿寺五品以上官副之。冊封世子郡王及世子郡王妃。翰林坊局六科尙寶及卿寺五品以上官爲正使。部寺屬官中書行人等官副之。

凡冊寶冠服。洪武間定。凡親王。王世子俱授金冊金寶。寶行印綬監鑄給。冊行銀作局造辦。冊文行翰林院撰作。中書科書寫。冠服儀仗行內官監造。如係舊府先年。曾請封世子者。金寶儀仗傳用。俱不另給。世子承襲。止授金冊傳用金寶。郡王鍍金銀印。鍍金銀冊。儀仗冠服冊文。俱照世子例行。親王妃。用金冊九翟冠服。冊文照親王例行。餘俱傳用世子妃用金冊七翟冠服。餘照親王妃行。郡王妃。用鍍金銀冊七翟冠服。如初封者。用儀仗。襲封者不用。世子并妃。郡王并妃。係初封。該給銀造大器一分。於銀作局關領。襲封者傳用不領。○嘉靖四十四年題准。初封郡王及妃。銀大器俱令自備。不許請給。世孫長子長孫。及世孫夫人。長子夫人。長孫夫人。俱止給冠服。不給誥命。鎮國將軍夫人及郡主以下。俱給誥命。凡酌議工價。萬曆十年議准。郡王初封者。爵秩雖同。然有帝孫。王孫之異。係帝孫者。儀仗房屋冠服。及身

後墳價俱照例全給其餘郡王儀仗房屋冠服止令自備不必奏請關給身後墳價量給一半如妃先故給與造墳以後王故之日止開塋合葬若王故在萬曆七年例前而妃今故者不必補給世子墳價與郡王同至于將軍中尉郡縣主君等房屋冠服墳價俱一槩停免

凡管理府事正德四年議准郡王患病及薨逝其子幼小有以親支暫管府事者禮部請勅著令用心撫養毋致失所候其長成仍回本府不許干預一應事務○嘉靖二十二年議准郡王惟管理府事者請勅其餘不許瀆請○四十三年議准凡親王有罪削封本府各郡王聽自行管束宗儀及奏請一應事件若迎接詔勅太宗廟祀則輪遞從尊者○萬曆十年議准凡親王薨子幼許撫按官推舉郡王一位請勅暫管府事凡一應奏請名封鈴束宗儀事件悉令管理惟錢糧止許稽查不許收掌待嗣子年長稍知事體即便具奏迴避其另城郡王薨子幼亦聽撫按官于將軍中尉內推舉一位請勅攝理府事俱要倫次相應賢能素著者方行推選不得徇情濫舉致啓爭端嘉靖四十四年例

凡鈴束宗儀弘治十七年議准各王府儀賓戚屬如自恃尊屬以王幼沖不服鈴束肆情縱欲任意非爲敗倫傷化聽王指實具奏巡撫等官照例會本奏聞區處其教授等官不行勸正及軍民旗校無籍之徒并樂工人等哄誘撥置生事者重治○正德四年議准親郡王患病或年雖尚幼其合府郡王將軍以下悉該聽其鈴束有事必啓而行違者許該府指實參奏○嘉靖二十四年議准各府儀賓務要照將軍等

例五日一赴府畫押或不到即時差人查究下落其有無故推託者聽親王量加罰治若累次抗違不到備由參奏前來以憑題請處治搆訟緣事者將俸糧按月扣留在官作正支銷

凡查革冒封萬曆十年議准郡王無繼統之例其進封親王或薨故絕嗣或犯罪革爵者子孫弟姪及旁支疎族俱不准承襲王爵先年有冒封過者許各自首姑准本爵終身不分同城另城其長子次子俱止授世次本等爵級有以前加封者悉令改正若隱匿不首查出之日即行削奪不俟終身

凡進繳冊印萬曆十年議准郡王初封給有冊印其緣事降革者例當繳奪若薨故而本支盡絕無人收繳者亦當追繳

正德二年及嘉靖四十四年例

今後遇有此項通親王奏繳不許稽遲留外以滋弊端其有進封親王

或改封世子及雖故絕本府尚有人奉祀者止令繳冊不必繳冊

萬曆七年例

凡宗支奏報弘治十年令凡王府宗支但有新生子女即報本支郡王啓親王審實年終類奏長史造冊二本齎送到部一送宗人府比對一留禮部查考其各城另住郡王照例徑奏教授造冊繳部○正德四十年題准各王府初生子女三日後即行具本奏報其冊一年一次備造一樣二本分送禮部并宗人府以便查考○萬曆十年議准宗室新生子女三日後即具啓各該親郡王及管理府事者審實取具收生親識宮眷人等保結明白按季類奏或因事稽遲許于下季補奏每年終備將奏報過子女攢造文冊一樣二本齎部一轉送宗人府比對一收貯禮部查考如有不依期奏報及未經保結明白朦朧妄報者俱候

年終將長史教授等官量罪重輕參治所報子女日後不許請名請封

弘治十年正德四年例同
國當時一年一次奏報

奏報格式

某王臣某謹奏爲報生事據某郡王某等啓稱本王長子長孫鎮輔奉國將軍中尉某等妃夫淑恭宜安人第幾妾某氏于某年月日嫡庶生第幾子女等例該報生乞爲轉奏等因具啓到臣查得宗藩要例內宗支奏報一款宗室新生子女三日後卽具啓各該親郡王及管理府事者審實取具收生親識宮眷人等保結明白按季類奏或因事稽遲許于下季補奏如有不依期奏報及未經保結明白朦朧妄報者俱候年終將長史教授等官量罪重輕參治所報子女日後不許請名請封等因今某等第幾子女等俱係某季該報生人數已令長史教授某人等遵例審實具結送部外理合奏報伏乞勅下該衙門登記以便日後奏請名封臣等不勝感戴天恩之至爲此具本專差校尉某人齎捧謹具奏聞

奏本背面俱要細書
對本長史教授用

寶典寶等官
職名後做此

計開

某郡王府

一某王長子長孫鎮輔奉國將軍中尉某年若干歲正配妃夫淑恭宜安人某氏于某年月日嫡生第幾子女如係庶出者云第幾妾某氏于某年月日庶生第幾子女收生婦某氏例該奏報

凡查參玉牒萬曆十年議准各王府玉牒冊每年八月以裏遵照冊式攢造一樣二本冊尾明註暨遺某官對同某官書寫某役差人齎送到部一轉送宗人府一收貯禮部除過期不到者聽宗人府查參外其造到文冊但有開載不明或嫡庶混淆或名位舛錯或那移封期或增減年歲等項情弊本部即將經管員役指名參究原冊駁回另造嘉靖四十四年例其本年内殤卒位數照依宗支歲報冊一體開報以備查考

玉牒冊式

某王某生子幾位女幾位

第一子某某年月日母妃某氏嫡生收生婦某氏某年月日奏報某年月日具奏賜名某年月日冊封爲世子某年月日具奏選婚某年月日奉禮部某字幾號勘合選到某府州縣某籍某人第幾女某氏某年月日冊封爲世子妃某年月日入府成婚某年月日襲封爲某王妃某氏同日進封爲某王妃王某年月日薨妃某年月日薨如係次嫡庶子已封郡王改封世子并從親進封者俱要明白開註

第二子某某年月日母妃內助幾妾某氏嫡庶生收生婦某氏某年月日奏報某年月日具奏賜名某年月日冊封爲某郡王某年月日具奏選婚某年月日奉禮部某字幾號勘合選到某府州縣某籍某人第幾女某氏某年月日冊封爲某郡王妃某年月日入府成婚王某年月日薨妃某年月日薨餘做此

第一女某年月日母妃內助幾妾某氏嫡庶生收生婦某氏某年月日奏報某年月日具奏請封某年月日奉禮部某字幾號勘合封爲某郡主選配儀賓某人某年月日冠帶成婚郡主某年月日卒儀賓某年月日卒餘做

某郡王某生子幾位女幾位

第一子某某年月日母妃某氏嫡生收生婦某氏某年月日奏報某年月日具奏賜名某年月日授封爲長子某年月日具奏選婚某年月日奉禮部某字幾號勘合選到某府州縣某籍某人第幾女某氏某年月日封爲長子夫人某年月日奉某字幾號勘合入府成婚某年月日册封爲某王夫人某氏同日進封爲妃王某年月日薨妃某年月日薨如係次嫡庶子已封將軍改封長子者俱要明白開註

第二子某某年月日母妃內助幾妾某氏嫡庶生收生婦某氏某年月日奏報某年月日具奏賜名某年月日授封爲鎮國將軍某年月日奉禮部某字幾號勘合選到某府州縣某籍某人第幾女某氏某年月日封爲鎮國將軍夫人某年月日奉某字幾號勘合入府成婚將軍某年月日卒夫人某年月日卒餘做

第一女某年月日母妃內助幾妾某氏嫡庶生收生婦某氏某年月日奏報某年月日具奏請封某年月日奉禮部某字幾號勘合封爲某縣主選配儀賓某人某年月日冠帶成婚縣主某年月日

卒儀賓某年月日卒。餘蒙此

鎮國將軍某生子幾位女幾位。

第一子某

第一女

輔國將軍某生子幾位女幾位。

第一子某

第一女

奉國將軍某生子幾位女幾位。

第一子某


第一女

鎮國中尉某生子幾位女幾位。

第一子某

第一女

輔國中尉某生子幾位女幾位。



第一子某

第一女

奉國中尉某生子幾位。女幾位。

第一子某

第一女

以後某字輩照依世次由郡王以至將軍中尉同前開造。

凡名封奏結萬曆十年議准宗室子女請名請封俱由各該親郡王及管理府事者審實定于每季仲月類奏一次仍取具本位親支如無親支以次挨及房族宗室五位并長史教授等官兩鄰收生人等不致扶同欺隱甘結于具奏之時一併差人齎送到部轉行宗人府備查生年月日父爵母封明白回報仍將禮部收貯玉牒文冊查對相同方與題覆其或查無奏報及有差錯者行布政司查勘若有扶同隱匿將額外濫收妾媵并乞養過房來歷不明樂婦花生傳生子女捏作嫡出庶出朦朧冒請名封者本部查出或被奏告事發將本位參降爵級保勘宗室罰革祿米長史教授等官革職一應甘結人等行巡按御史提問以枉法論罪弘治間及嘉靖三十年例如王奏到三月以外而長史教授等結未到致妨查題者禮部每上下半年查參一次行巡按御史將長史教授等官提問。

凡奏請期限。天順八年定。各王府所生子女。年至十五。方許請封。○嘉靖四十四年議准。親郡王將軍中尉所生之子。俱五歲。卽與請名。候該府奏到。禮部類題。行翰林院遵照祖訓。欽定字樣。編擬名字。附簿登記。于每年三九月內。類行翰林院請勅頒行各王府。○萬曆七年議准。請名封過期者。非特恩。不許濫給冠帶。○十年議准。凡親郡王將軍中尉之子。不分長次嫡庶。俱年五歲。請名。親王嫡庶子女。及世孫郡王嫡長子長孫。俱年十歲。請封。十五歲。選婚。親王次嫡庶孫。郡王次嫡庶子。及嫡庶女。將軍中尉嫡庶子女。俱年十五歲。請封。卽與選婚。若因事耽延。未能如期。奏請者。男請名。請封過期五年以下。查題。十年以下。行勘。十五年以下。勘明另題。止給名糧五十石。本折中半兼支。十五年以上立案。如係聽繼王爵人數。過期年久。例應另題立案者。臨期請旨定奪。男選婚。女請封。過期十年以下。查題。十五年以下。行勘。十五年以上立案。其庶人請給名糧。亦許十五歲具奏。過期一如選婚例行。

凡稽查奏勘。萬曆十年議准。王府奏請名封婚禮等項。長史教授等官。將歷年冊籍備查的確。及審據各該人役。保勘明白。與例相合。啓王。如式具奏。不得受賄徇私。將違礙事情。混行奏擾。亦不得因而留難。勒索苦貧宗。其禮部行勘事件。該布政司務要查覈明確。依限回覆。不得止據長史教授申文。抄寫以了前件。亦不得遲延日久。以致守候不便。今後但有奏請違礙。責在長史教授等官。回報草率。及遲至一年之外者。責在該布政司官。聽本部酌量事情。重輕參奏。

奏請格式

一男請名

某王臣某謹奏。爲乞恩請名事。據某郡王某等啓稱。本王長子長孫鎮輔奉國將軍中尉某等。嫡庶第幾子等。各年歲已足。例該請名。乞爲轉奏等因。具啓到臣。查得宗籙要例內。名封奏結一款。宗室子女請名請封。俱由各該親郡王。及管理府事者審實。定于每季仲月類奏一次。仍取具本位親支。如無親支。以次挨及房族宗室五位。并長史教授等官。兩鄰收生人等。不致扶同欺隱。甘結于具奏之時。一併差人齎送。到部等因。今據某等第幾子等。俱係某季該請名人數。已令長史教授某人等。查勘明白。遵例具結送部外。理合開列類奏。伏乞勅王禮部。照例賜名。臣等不勝感戴天恩之至。爲此具本。專差校尉某人齎捧。謹具奏聞。

計開

某郡王府

一某王長子長孫鎮輔奉國將軍中尉某。年若干歲。於某年月日奏請。授封爲某爵。于某年月日奉

禮部某字幾號勘合。會選到某府州縣軍民籍某人。第幾女某氏爲配。于某年月日具奏。於某年

月日奉禮部某字幾號勘合。授封爲妃夫淑恭宜安人。于某年月日入府成婚。于某年月日嫡生

第幾子收生婦某氏。已于某年月日奏報。今見年五歲。例該請名。如係庶出者。卽于入府成婚之下。云于某年月日。因年足若干歲。妃夫淑恭宜安人某氏無出。遵例具奏娶妾。于某年月日奉禮部某字幾號勘合。選到某府州縣軍民籍某人。第幾女某氏。于某年月日入府爲第幾妾。于某年月日庶生第幾子。收生婦某氏。已于某年月日奏報。今見年五歲。例該請名。

一男請封

某王臣某謹奏。爲乞恩請封選婚事。據某郡王某等啓稱。本王長子長孫鎮輔。奉國將軍中尉某等。嫡庶第幾子某等。各年歲已足。例該請封選婚。乞爲轉奏等因。具啓到臣。查得宗藩要例內。名封奏結一款。宗室子女請名請封。俱由各該親郡王及管理府事者審實。定于每季仲月。類奏一次。仍取具本位親支。如無親支。以次挨及房族宗室五位。并長史教授等官。兩鄰收生人等。不致扶同欺隱。甘結于具奏之時。一併差人齎送到部等因。今據某等第幾子某等。俱係某季該請封人數。已令長史教授某人等。查勘明白。遵例具結送部外。理合開列類奏。伏乞勅下禮部。照例賜給封號。命祿米。從人等項。准令于本境官員軍民良家女內。選擇具奏婚配。臣等不勝感戴天恩之至。爲此具本。專差校尉某人齎捧。謹具奏聞。

計開

同前。但某年月日奏報下。云於某年月日。具奏賜名某。今見年一十五歲。例該請封選婚。

一女請封同前

以上俱類奏格式

一親王子女請封合用單本格式

某王臣某謹奏。爲乞恩請封事。竊照臣見年若干歲。於某年月日荷蒙聖恩。册封臣爲某王。于某年月日具奏選婚。于某年月日奉禮部某字幾號勘合。會官選到某府州縣某籍某人女某氏爲配。于某年月日具奏册封爲某王妃。于某年月日入府成婚。于某年月日嫡生第幾子。如係庶生者云。妃某氏。於某年月日入府成婚。無出于某年月日具奏選妾。于某年月日奉禮部某字幾號勘合。會官選到某府州縣某籍某人女某氏。于某年月日入府爲第幾妾。于某年月日庶生第幾子。收生婦某氏。于某年月日奏報。于某年月日具奏賜名某。今年足十歲。例該請封。已令長史某等取具某王等無礙結狀送部外。理合具奏。伏望皇上篤念親親。乞勅禮部。照例賜給封號册印等項。遣官册封。臣不勝感戴天恩之至。爲此具本。專差校尉某人齎捧。謹具奏聞。凡親王子女。報生請名。選婦及親郡王并妃。請封或親王選妾例。應單本具奏者。俱做此。

凡犯罪革爵。弘治十六年定。郡王已革王爵。將軍中尉已革官職。或降爲庶人者。其降革以後。所生子女。不許請封。○嘉靖五年議准。庶人發高牆者。其未革爵前所生子女。係無罪之人。俱存留在府居住。責令相應親屬照管。候長成備查。伊父犯罪緣由奏請。○萬曆十年議准。凡宗室有犯罪革爵者。未封子女。無論革前革後所生。一概不許請封。嘉靖四十四年例。其已封而無同惡情由者。備查所犯輕重。分別奏請。止係越

關詰奏等項。革爵者已封子孫。姑免查革。若犯該敗倫傷化人命強盜等項。子孫除同惡隨坐外。其餘一體降爲庶人。日後不許援引遠年寬宥事例。覲復封爵。高曆七年例其在內法司及在外撫按等官。但有干係宗室降革等項者。俱備開所犯招由。行移禮部知會。以便查考。



明會典卷之五十六 禮部十四

【王國禮二】

【之國】

祖制皇嫡子正儲位。衆子封王爵。必十五歲選婚。出居京邸。至長始之國。累朝以來財賦地不封。畿輔地不封。之國不拘年歲。儀具于後。

凡親王之國。洪武初定。王之國之日。百官送至龍江關。後定。是日上御奉天門。早朝畢。文武百官稍退。侍立。上降寶座後坐。王冕服。由左順門內引二人朝服前導。由東第二橋上奉天門。至御前行五拜禮。上賜王酒。飲訖。叩頭禮畢。上起送王至東階上。王叩頭下。上目送出午門。王復叩頭闕門。上還宮。百官不送。惟先一日早赴王府行辭禮。○又定。凡王之國祭祀禮。用豕一羊一。葷素各一壇。祭于端門。不用制帛。後罷端門祭。用葷素二壇。祭于承天門外。○凡王之國。所過州縣。文武官迎接。便服行四拜禮。○凡沿途合祀神祇。近者大小皆親祭。遠者望祭。仍先遣奉祀官灑掃社稷山川壇。及旗纛廟。預備祭物。王將到國。前三日致齋。至城外。本處文武官率耆老出城迎接。不行禮。導王詣社稷山川壇祭祀。各官及耆老隨班陪祭。禮畢。送王至宮。陸殿行賀禮。○凡王在途。遇詔赦。迎接行禮畢。先退。不聽開讀。遇進賀表箋。一體具服行。

禮。○天順五年奏准。凡王從舊王府城外經過。許出相見。隨即回府。若不從城外經過者。不許。○弘治間議定。先期辭長陵等陵。臨行日。王自祭承天門之神。遣官祭大通河之神。○一沿途祭應祀神祇。并至封國告祭社稷山川等神。俱翰林院撰祝文。禮部差官著落所在官司。支給官錢。買辦祭物。○一國內社稷山川壇各一所。各該神廚神庫。宰牲房各三間。旗纛廟一所。正殿五間。神廚神庫各三間。及樂舞生樂工人等。衣服冠袍樂器祭器祭服。俱工部置造。○一合用樂舞生一百二十名。齋郎四十名。禮生一十名。鋪排一十名。屠戶一十名。醫士二名。廚役四名。樂工二十七戶。燒香道士四名。該布政司著落附近府州縣照例僉送應用。○又議准。通州搭蓋席殿正殿三間。儀門一間。廂房六間。四圍席墻。以候朝謁。其承奉等官廠房。及氍毹綵絹之類。量爲減省。經過軍衛有司。驛傳相離水次寫遠者。俱以通州爲則。其餘驛傳近水去處。止預先整飭潔淨。量掛綵幕。不必再行搭蓋。遠者差去官指實參奏。○又議准。道經南京者謁拜孝陵。應天府于城外備行帳。南京太常寺備酒果。候王至。卽行禮。不擇日。南京各衙門官詣行帳。行見王禮。見畢卽回。教坊司不得送女樂。○嘉靖三十九年定。時王先期辭長陵等陵。俱用酒果臨行日。祭承天門。總告京都應祀神祇。王自行禮。是日祭大通河神。道太常寺官行禮○一沿途告祀直沽天妃之神。淮河之神。揚子江之神。小孤山之神。漢江之神。○一道經南京謁拜孝陵。行翰林院撰祝文。太常寺關領香帛。南京太常寺備辦酒果。候王至日行禮。其南京各衙門官員赴王行帳處行禮。見畢卽回。○一至國。告祀南嶽衡

山之神望祭社稷之神山川之神王自行禮俱用牲醴其祝文翰林院撰寫祭品行所在官司備辦○一到國之後謁拜顯陵合用酒果及沿途往來供應俱行各該有司備辦謁拜畢即日回府

【慶賀】

親王之國及受封及正旦冬至有慶賀禮其王府官與總兵撫按三司等官禮各不同今備載而賀王妃世子等禮及世子長子將軍行禮序次各附見焉

凡慶賀親王之國洪武十八年定其日設儀仗於露臺上下之東西設大樂于露臺上東西北向陳金鼓旗于承運門外軍職官員各守殿及王城門設文武官拜位於丹墀文東武西設贊禮官二員于文武官拜位之北東西相向護從執事等官先詣圍殿後候典服官啓請王具冕服訖典儀啓執事者先行四拜禮畢各就位典儀啓請王陞殿導引官前導大樂作陞座訖樂止贊排班引禮引文武官就拜位贊班齊鞠躬樂作四拜平身樂止引禮引班首陞自東階由殿東門入至殿中贊跪外贊同贊跪班首衆官皆跪班首致詞云某官某等敬惟殿下欽承上命至國之初禮當慶賀如係王府官則稱臣某等後同內外贊俯伏與引禮引班首復位贊鞠躬樂作四拜平身樂止典儀詣殿中跪啓禮畢樂作導引王還宮樂止各官以次出○凡慶賀正旦禮王冕服文武官朝服四拜班首由東階陞殿致詞云某官某等茲遇三陽開泰萬物咸新敬惟殿下茂膺多福賀畢俯伏與復位又四拜禮畢○凡冬至王壽日禮同惟改致詞冬至

云。茲遇節應黃鐘。日當長至。敬惟殿下。茂膺多福。壽日云。茲遇殿下壽誕之辰。某等敬祝千歲壽。○凡慶賀正旦冬至王壽日。惟王府官屬及附郭衙門文武官員稱賀。在外各衛所府州縣衙門。預期摘撥佐貳官。或首領官一員。至日隨班行禮。其有出使官員一體隨班。○十九年定。在外府州縣衙門及守邊衙門。不必慶賀。遇有事務。許首領官承差人等。具本啓聞。並不許差遣將官。有妨公務。○正德十三年令。凡王府節旦慶賀。其總兵撫按等官。俱照出使官員例。便服行四拜禮。○嘉靖九年議准。王府節旦慶賀。三司等官。具朝服行禮。不許槩稱使臣。一體便服。

凡王妃到國。洪武十八年定。五品以上命婦。出城五里迎接。送到宮行八拜禮。○凡遇冬至正旦五品以上命婦。具服詣宮行賀禮。贊四拜。班首由東陞陞殿跪。外命婦皆跪。班首致詞云。某封某氏等。茲遇正旦之節。敬請王妃殿下稱賀。如王府官命婦爲班首。則稱妾某封某氏等。後同興復位。四拜禮畢。其遇王妃壽誕禮同。惟詣王妃前致詞云。某封某氏等。敬惟王妃殿下壽誕之辰。祝千歲壽。其命婦班次。照夫品級。

凡世子千秋正旦冬至。本國官員行賀禮。便服四拜。不稱贊致詞。出入經過官員迎接。及到國各衙門官員行賀禮。俱便服四拜。

凡世子及將軍行禮。景泰六年奏准。王世子既受封。遇節令行公禮。依宗子法。重在世子。家庭私會。依家

人禮尊歸伯叔。○正德四年題准各府將軍係郡王長子之叔祖及諸叔者行禮依宗子法長子立于郡王後居中。

【朝見】

王府官每日常朝。同城三司府州縣及守禦衛分等官朝朔望。其出使及經過官員有朝見禮。妃父母親屬有見王禮。禮各異。而靖江王府禮附焉。凡王府朝儀。洪武十八年定。每日王府官屬常朝。依文武左右班立。遇朔望本處守禦衛分及府州縣等官朝見。各照品級。依文武東西列班。行叩頭禮畢。四品以上及長史紀善入殿。五品以下于丹墀東西序立。北向。若有事召見者不在朔望之限。又王府凡有辭見官員人等。每日早晚俱引見。○又令王所居城內布政司都指揮司并衛府州縣雜職官皆于朔望日至王府門候見。若有事召見者不在此限。○凡朝臣奉使至王府或因事經過見王並行四拜禮。○永樂八年令各王府今後遇有朝廷一應公差人員及經過見王官員人等或與酒飯或不與亦可。不許賞以物件。○成化三年定。凡京官公差道經王府報名見辭。如有朔望三司等官至府候見。公差官員亦詣府隨班行禮。若進表祭祀等項不必隨班。○正德七年令親王前門官員人等照例下馬。

凡王于妃父母前行禮。洪武年定。王立于東。西向。妃父母立于西。東向。王行四拜禮。妃父母立受兩拜。答

兩拜。其餘親屬見王行四拜禮。王皆坐受。妃于父母前行四拜禮。父母正面立受。其餘親屬見妃。各敝家人禮。

靖江王府

洪武二十八年令。靖江王庶子稱王子。發放言語稱奇旨。一應官員人等參見。拜時節慶賀常服行四拜禮。常見行一拜禮。不叩頭。

【慶祝】表箋進貢附

國初親王間。以慶賀入朝。其後至有出城之禁。凡遇三大節。止于府中行遙祝禮。有進賀表。有進貢禮物。中宮東宮壽日。有賀箋。各有定式。郡王將軍行禮。各有序次。備列于後。

凡慶祝禮儀。洪武六年定。凡遇天子壽日。王于殿前臺上。設香案。具冕服。率文武官員朝服。行祝天地禮。若遇正旦。拜天地後。卽詣祖廟行禮畢。陞正殿。出使官便服行四拜禮。文武官員服行八拜禮。○十八年定。凡遇聖節及正旦。冬至節日。行告祝天地禮。其日設香案于露臺上。設王拜位于案前。文武官拜位于丹墀之東西。王冕服就位。各官員朝服隨班四拜。王詣香案前跪。衆官皆跪。王致詞訖。頌意致詞俯伏。興。復位。衆官皆俯伏。興。又四拜禮畢。○凡遇中宮壽日。王冕服。妃具禮服。設香案於內宮門露臺上。行告祝天地禮。先四拜。興。王詣香案前跪。告祝訖。俯伏。興。復位。又四拜禮畢。不用樂。百官不隨班。○凡遇東宮壽日。行

告祝禮。王皮弁服。百官具朝服。隨班行禮。儀同。○弘治五年奏准。郡王將軍。凡遇拜賀聖節等項。各照爵職崇卑。立班行禮。○嘉靖六年題准。郡王管理府事者。凡遇聖旦。正旦。冬至等節。鎮巡等官于布政司行禮。其管理府事郡王。率各郡王。將軍。中尉。儀賓。教授等官。于本府行禮。

表箋

凡進賀表箋。洪武十八年定。凡遇正旦。冬至。預期進賀表箋。萬壽聖節。預期進賀表文。俱行十二拜禮。其日清晨。設龍亭于正殿中。設儀仗。大樂于露臺西。設表箋案於龍亭前。設香案于表箋案前。進表箋使者。立於香案東。捧表箋。官立于香案西。設香案亭于承運門中道。設王拜位于露臺上。百官拜位於丹墀。王冕服就位。百官朝服隨班。班齊。贊鞠躬。樂作。四拜。平身。樂止。引禮。啓請王詣香案前跪。贊百官皆跪。執事者。以表箋跪授王。王受。以授使者。使者跪受。置龍亭訖。俯伏。樂作。興。樂止。復位。贊鞠躬。樂作。四拜。平身。樂止。啓請王搢圭。贊百官搢笏。鞠躬。三舞蹈。跪。山呼者三。啓出。圭。贊百官出笏。俯伏。樂作。興。又四拜。樂止。禮畢。儀仗鼓樂前導。百官朝服送。至郊外。王送至宮城門。就回。護衛官從。王還宮。○凡遇特進中宮。箋文。王冕服。百官朝服隨班。行十二拜禮。陳設如常儀。班齊。四拜。啓請王詣香案前跪。百官皆跪。執事者。以箋跪授王。王受。以授使者。使者跪受。置龍亭訖。俯伏。興。復位。再行八拜禮。畢。不必舞蹈。山呼。○凡遇特進東宮。箋文。陳設如常儀。王具皮弁服。百官具朝服隨班。行四拜禮。啓請王詣香案前跪。百官皆跪。執事者。以箋

跪授王。王受。以授使者。使者跪受。置龍亭訖。俯伏興。復位。又四拜禮畢。○天順六年奏准。郡王同居一城者。從尊屬拜進表箋。卑屬隨班行禮。其另居一城者。照例各自拜進。○嘉靖十六年題准。凡王府奏進慶賀謝恩疏及表文。但稱聖號。不許用家人禮。

進貢

凡進貢禮物。弘治十七年題准。凡遇萬壽聖節。千秋。正旦。冬至節。各王府許進禮物馬匹慶賀。每節差人止許一起。其餘如扇。鮮之類。俱不必進。如差人過多。自備腳力回還。不許應付。○正德四年議准。各府庶人不許越分進貢。○嘉靖八年奏准。各王府及總鎮內外。進貢馬匹。務將毛色齒歲備細造冊送部。禮部委官一員。照冊看驗。分別等第。送鴻臚寺類進。

【迎詔】迎祭受用附

王府迎接詔勅書。各有處所。郡王。將軍。中尉。及文武官隨從行禮。各有班次。今備書之。而以迎祭受曆禮附後。

凡迎接詔勅。洪武六年定。凡遇詔勅至王國。武官隨王侍衛。不出郊外。文官具朝服出郊外奉迎。安奉詔勅於龍亭。乘馬前導。王具冕服于王城門外。五丈餘地奉迎。至王宮。置龍亭于正殿中。王于殿前臺上。先行五拜禮。畢。陞殿侍立于龍亭東側。武官護衛文官于臺下。自行十二拜禮。跪聽開讀。○又定。凡使者欽

齋詔書至王府至王城門外一里遠下馬隨龍亭由中門靠東邊入龍亭至殿中使者立于殿外東序西向候行禮畢使者見王行四拜禮○十八年定凡有特旨御筆至王所則遣官于郊外迎接設香案于殿中候使者至王宮門外王出迎使者以聖旨置殿上香案導引啓王四拜興詣香案前使者以聖旨授王王跪看畢仍置于案俯伏興復位又四拜禮畢各官不必陪班○嘉靖二十七年題准郡王同居一城者迎接詔勅禮儀輪遞從尊行著爲定式○萬曆十年議准行禮次序凡遇迎接詔勅親王先率郡王將軍中尉于殿前臺上行五拜禮畢親王侍立於龍亭之傍郡王等爵分班侍立于臺上俟文武官先行四拜禮畢郡王等爵俱同各官跪聽宣讀讀畢仍復原班候各官再行八拜禮畢以次而退萬曆六年例若郡王管理親王府事及另城郡王管理府事者迎接詔勅文武官俱于本布政司府州衙門行禮抄黃送管理郡王自率宗儀行禮嘉靖六年例其拜賀聖節等項亦照爵職崇卑立班行禮如有錯亂失序及倨慢不恭者許典儀等官糾舉聽本王參治

凡代行禮儀萬曆十年議准各王府迎接詔勅及慶賀等項禮儀如親郡王年老有疾不能行禮者先期奏請世子長子代行其府中諸務仍自行管理不許世子長子干預以起釁端若王果患篤廢之疾勢難管理者具奏行勘明白請勅世子長子代理正德四年例至于王已老疾世子長子先故者亦許世孫長孫代行若以世孫行禮請給世子冠服者請旨定奪

迎祭

凡迎祭萬曆二年議准。凡朝廷遣祭各王府。若龍亭至本府。于大門外降階跪迎入廟。遷主于傍。宣讀畢。復降階叩謝。

受曆

凡受曆。洪武十八年定。每歲九月初一日。欽天監進次年曆日。頒訖。卽遣使者齎曆至王國。長史司官先啓聞。設香案于殿上。王常服出殿門迎接。使者捧曆詣殿上。置于案。退立于案東。引禮引王詣前。贊四拜。贊跪。使者取曆立授王。王受訖。以授執事者。復置于案。贊王俯伏。興。再四拜。禮畢。後頒曆以十月初一日。其王府曆日亦不遣使。

但附於各府齎捧進賀
冬表人員順齎頒授

【來朝】

國初諸王朝覲。在朝堂。行君臣禮。在便殿。行家人禮。見東宮亦然。後不行。

凡親王來朝。洪武六年定。親王每歲朝覲。不許一時同至。務要一王來朝。還國無虞。借報別王。方許來朝。諸王不拘歲月。自長至幼。以嫡先至。嫡者朝畢。方及庶者。亦分長幼而至。遇而復始。毋得失序。諸王居邊者。無警則依期來朝。有警則從便。不拘朝期。○凡天子與親王。雖有長幼之分。在朝廷必講君臣之禮。蓋天子之位。卽祖宗之位。宜以祖宗所執大圭於上。鑲字題曰奉天法祖。世世相傳。凡遇親王來朝。雖長于

天子者。天子執相傳之圭以受禮。蓋見此圭如見祖考也。○凡諸王來朝。祭祀辦與未辦。先常服見天子。三叩頭不拜。奉先殿見畢。不拘何殿樓閣門下。天子執大圭。王具冕服。敍君臣禮。行五拜三叩頭。見畢。諸王係尊長。天子係姪孫。引王至後便殿。王坐東面西。天子衣常服。敍家人禮。行四拜。不叩頭。王坐受。然雖行家人禮。君臣之分。不可不謹。天子居正中南而坐。以待尊長。次見東宮。行四拜禮。如王係尊長。東宮答拜。○凡親王係天子伯叔之類。年踰五十。則不朝。孫姪之類。年踰六十。則不朝。俱世子代之。○凡親王來朝。若遇大宴會。諸王不入筵宴中。若欲筵宴。于便殿去處。精潔茶飯。敍家人禮。羣臣大會宴中。王並不入席。○凡親王每歲來朝。自備飲膳。其隨從官員軍士。盤費馬匹草料。俱各自備。毋得干預有司。恐惹事端。○凡親王入朝。以王子監國。其隨侍文武官員馬步旗軍。不拘數目。若王恐供給繁重。斟酌從行者聽。其軍士儀衛旗幟甲仗。務要鮮明整肅。以壯臣民之觀。○凡親王及嗣子。或出遠方。或守其國。或在京城。朝廷或有宣召。或差儀賓。或駙馬。或內官齎持御寶文書并金符前去。方許起程詣闕。○二十九年定。親王見天子畢。次見東宮。引禮官導王由文華門東門入。至文華殿前西向立。東宮冕服執大圭。詹事府等官六員導駕出階坐。東宮官左右侍從。引禮官引王就拜位。贊禮官贊四拜禮。東宮坐受。畢。東宮及王俱衣常服。敍家人禮。引禮官請王由殿東門入。至後殿。各王東坐向西。東宮面東。贊禮官贊四拜禮。王坐受。時諸王皆東宮叔。如東宮與王敍坐。東宮正中南面坐。各王東西敍坐。○凡諸王見皇后父母。亦行四拜禮。皇后父

母立受。○隆慶元年令親王朝覲禮久不行。今後不必具奏。禮部通行各王府知會。

【奏事】

宗室非機密重情不得徑奏。郡王以下有事非啓親王不敢奏。襲爵請名封等事非長史等官啓王不敢類奏。儀賓不敢託郡縣主君名陳奏。有越關奏擾者罰無赦。見宗藩要例。

凡王府奏事。洪武六年定。王遣使至朝廷。不須經由各衙門。直詣御前。敢有阻當。卽是姦臣。其王使至午門。直門軍官火者。火速奏聞。若不奏聞。卽係姦臣同黨。○永樂元年令王府有事發行。三司等衙門。隨卽奏聞。必待欽准。方許奉行。敢有擅行者治罪。如遇在京各王出府之日。法司卽查前例。通行長史知會。遵守。○弘治五年奏准。各王府一城居住者。凡有婚喪等事。每年春秋二季。總啓大府類奏。○十六年奏准。儀賓應奏事情。不許假託郡縣主君名目。除機密重情。及與親王干涉外。合照郡王將軍中尉事例。令長史司具啟親王參詳代奏。○正德元年奏准。王府除機密重情。及襲王爵外。其餘奏請名封選婚等項。聽該長史等官參詳明白。啓王知會。一年春秋兩季類奏。謝恩等項。應本謝及表謝者。亦于每年春首類謝一次。十一年令各王府差來人員。止許會同館安歇。不許在外潛住。事完卽回。違者照例問發充軍。在京有容令住歇。及指稱打點等項。事發各問罪如律。○嘉靖元年令各王府差來人役。有挾帶空本在京填寫者。緝事衙門。巡視御史。拏問追究。用印之人。從重治罪。○萬曆十年議准。各郡王并將軍中尉齎奏事。

宜除機密重情。或與親王干涉。及郡王分封不在一城居住者。許令徑自差人具奏外。其餘凡有奏請。務要令長史教授。備啓親王。及另城郡王。參詳明白。應該奏聞者。方許給批。差人齎奏。弘治十年例。若本非機密。本無干涉。而捏稱機密干涉。及假以建言爲報復之舉者。奏詞立案不行。仍將本爵參降祿米。差來人役。照撥置例。問發邊衛。永遠充軍。輔導等官。通行參究。其無籍棍徒。詐騙各府財物。交通歌家。潛住京師。打點者。許緝事衙門訪拏。照前例問遣。

凡越關奏擾。嘉靖十一年題准。郡王將軍中尉郡縣鄉君夫人等。但有越關陳奏情輕者。革去爵秩。情重者。送發高牆。○萬曆十年議准。宗室如有構訟。及請乞婚封祿糧等項。合行長史教授。啓王轉奏。如親郡王不與轉奏。許差家人于守巡撫按衙門具告。卽與行勘。輕則啓王議處。重則會奏請旨。奏內亦要明開。曾否經長史教授。守巡撫按等官告理。抄奏到部。查勘明白。題請究治。不許私自越關來京奏擾。如或故違禁例。已封者題請降爲庶人。送發開宅。拘住。給與口糧養贖。其無名封及花生傳生等項。俱徑劄順天府。遞回該府收管。不送開宅。致冒口糧。若宗婦宗女犯者。順付公差人等。伴送回府。已封者題請革去封號。仍罪坐夫男。削奪封職。凡所奏情詞。一槩立案不行。隨行巡按御史。根究同行撥置之人。問擬邊衛永遠充軍。該府長史教授等官。失于防範。通候年終類參。每一府而歲至三起以上者。降調。一起二起者。行巡按御史提問。罰治。如有需索抑勒。失誤應得名封。以致本宗不得已而冒禁者。勘明之日。將輔導官參。

究革職

【祭祀】

立國有社稷。諸侯王有五廟。及其風雲雷雨山川旗纛五祀之神。亦祀典所不廢。俱用王者禮樂。今具列之。

凡王國祀典。洪武六年定。王國宮城外立宗廟。社稷等壇。宗廟立於王宮門左與社稷。社稷立於王宮門右與

風雲雷雨山川神壇立於社稷壇西。旗纛廟立於風雲雷雨山川。○又定凡祭五祀用茶一說。司戶之神于

門左設香案。正月于府舍設香案。四月于宮前丹墀內。中霤之神于宮前丹墀內。近東設香案。六司門之神。承

運門初四日。門官致祭。司竈之神初一日。典膳官致祭。中霤之神月上旺戊日。承奉司官致祭。司門之神承

運門初一日。門官致祭。司井之神初一日。典膳官致祭。○十一年定。王府社稷無配位。社稱國社之神。稷稱

國稷之神。○十八年定。王府祭社稷儀。一齋戒。正祭前四日奉祀所具本啓聞于午後沐浴更衣于齋宮。次日爲始齋三日。凡齋戒之日不飲酒不茹葷不弔喪問疾不聽樂不行刑不判署刑殺文書不預穢惡

事。○一省牲。正祭前一日清晨設香案于宰牲房外。導引官四員。導王常服詣牲位。啓省牲。執事者牽牲

過香案前訖。啓省牲畢。遂宰牲以盤盛毛血。伺祭瘞之。○一陳設。前期掃除壇場幕次。至期掌祭官率執

事陳設。籩豆簠簋酒尊等物。○一正祭。其日昧爽王具皮弁服。文武官祭服。典儀唱樂。舞生就位。執事官

各司其事。導引官四員。導王詣拜位。內贊啓就位。典儀唱瘞毛血。執事者以毛血瘞于坎內。典儀唱迎神。

典樂舉麾唱迎神樂奏廣清之曲候樂作內贊啓鞠躬四拜興平身樂止曲儀唱奠帛行初獻禮典樂舉麾唱初獻樂奏壽清之曲武生舞武功之舞執事者捧帛爵獻于神位前讀祝官取祝跪于神位之左內贊啓跪典儀唱讀祝讀訖內贊啓俯伏興平身樂作通贊同唱百官俯伏興平身樂止典儀唱亞獻禮典樂舉麾唱亞獻樂奏豫清之曲文生舞文德之舞執事者舉爵進獻如前儀訖樂作典儀唱終獻禮典樂舉麾唱終獻樂奏熙清之曲文生舞文德之舞執事官進爵如亞獻儀訖樂止典儀唱飲福受胙典膳以福酒及胙自神位前由正門左捧出內贊啓跪搯圭典膳以福酒跪進內贊啓飲福酒訖典膳以胙跪進內贊啓受胙訖啓出圭俯伏興平身內贊啓鞠躬四拜興平身通贊同唱百官四拜典儀唱徹饌典樂舉麾唱徹饌樂奏雍清之曲執事官各詣神位前徹饌訖樂作典儀唱送神典樂舉麾唱送神樂奏安清之曲內贊啓四拜通贊同唱四拜樂止典儀唱讀祝官捧祝掌祭官捧帛各詣瘞位典樂舉麾唱望瘞樂奏時清之曲內贊啓禮畢○一祭山川儀與社稷同但不瘞毛血改詣瘞位爲燎位及樂歌不同○一祭旗纛遣武官戎服行禮儀與山川同但樂用大樂○一五祀遣官致祭用大樂行三獻禮不用飲福受胙○又定王祭宗廟用冕服文武百官祭服陪祭祭器簋豆八簠簋各二牲用少牢其廟制許立五廟二昭二穆與始祖之廟爲五以始封之王爲始祖靖江王國則以南昌王爲始祖四時之祭皆用王者禮樂○宣德二年令王府祭宗廟用宋朱文公家禮

【筵宴】

凡大宴禮儀。洪武十八年定。其日設王座于存心殿。設酒亭于座西南。膳亭于東南。設文武官四品以上座次于殿內東西相向。酒尊食桌于殿外。五品以下座次于兩廊。設細樂于殿內。大樂于殿外。典儀啓請陞座。王服常服出。樂作。陞座。樂止。引禮引文武四品以上官及長史詣殿內。五品以下詣殿外。列班北向。贊鞠躬。樂作。四拜。樂止。進筵。樂作。有花則進花。進訖。樂止。色長跪啓一奏喜千春之曲。次唱樂作。進第一爵酒。贊各官跪。色長跪唱進酒。飲訖。樂止。贊乘官俯伏。興就座。執事者進各官卓。樂作。有花則散花。樂止。色長跪啓承應畢。進第二爵酒。色長跪啓二奏永南山之曲。各官起立。斟酒畢。復坐。執事者隨斟各官酒。色長跪唱進酒。飲畢。樂止。進湯。鼓吹響節前導至殿外。大樂作。各官起立。進畢。復坐。執事者即供各官湯。色長跪唱進湯。樂作。食畢。樂止。色長跪啓承應畢。進第三爵酒。色長跪啓三奏桂枝香之曲。進酒。進湯。如前儀。色長跪啓承應畢。進第四爵酒。色長跪啓四奏初春曉之曲。進酒。進湯。如前儀。色長跪啓承應畢。進第五爵酒。色長跪啓五奏乾坤泰之曲。進酒。進湯。如前儀。色長跪啓承應畢。進第六爵酒。色長跪啓六奏昌運頌之曲。進酒。進湯。如前儀。色長跪啓承應畢。進第七爵酒。色長跪啓七奏泰道開之曲。進酒。進湯。如前儀。畢收爵。進湯及大膳。如前儀。畢收膳。色長跪啓承應畢。贊徹案。自下而上。贊起。文武官如前列班。樂作。四拜。樂止。分東西序立。典儀跪啓禮畢。樂作。引王還宮。樂止。各官以次出。常宴五爵。禮儀司凡遇正旦。

聖節王壽日設宴用花餘宴不用○二十五年令僉事係方面官許入殿坐于長史之上

【樂】

舊制王國設宗廟樂生及樂工樂器甚備迨後有因而廣置女樂淫佚無度者遂行裁革今許復樂工舊額以存王國之體云

凡樂工樂器洪武初定王國宗廟樂生三十六人鐘磬各一瑟二琴八塤篪簫笛各二笙四祝敔各一搏拊二歌工八舞生七十二人文舞三十六人各執羽籥武舞如文舞之數各執干戚中各以二人爲引舞○又定王府樂工例設二十七戶于各王境內撥與供用○十五年定樂工樂器冠服之制凡朝賀用大樂樂工二十七人樂器用戲竹二頭管四笛四杖鼓十二大鼓一花梨木拍板一冠服用紅絹彩畫胸背方花小袖單袍有花鼓吹冠錦臂鞞皂靴抹額用紅羅彩畫束腰用紅絹宴禮七奏樂樂工八人樂器用紫竹簫二紫竹笙二簾二花梨木拍板一冠服同前迎膳大樂樂工八人樂器用戲竹二笛二杖鼓二小鼓一花梨木拍板一冠服亦同前其餘樂工冠服用綠絹彩畫胸背方花小袖單袍無花鼓吹冠抹額以紅絹彩畫束腰以紅絹○正德四年奏准王府樂舞生照例將有度牒無過犯道士補充不足于黜退生員內選補禮生取附近相應人戶或黜退生員選補不許過額如有富民額外營充謀避差徭者事發問如律○嘉靖四十四年議准各王府有廣置女樂淫縱宴樂或因而私娶花生濫封今後各行裁革如遇

明會典卷之五十七 禮部十五

【王國禮三】

【婚姻】儀賓婚配及奏式附

按祖訓。親王妃宮人等。必須選擇良家子女。以禮聘取。勿受大臣進送。恐有姦計。但是娼妓不許狎近。我皇祖聖慮深遠已。嗣後擇婚有令。選婚有期。擅婚有禁。妾媵有限。至於濫妾花生等弊。有罰例。益嚴云。凡選擇婚配。弘治間定。王府選婚務要會同長史承奉教授等官。于本境內揀選家道清白。人物俊秀。年歲長成者。就行彼處按察司覈勘明白。方許具奏。並不許倫理失序。于例有違。若先通媒合。納賄營求。及扶同保勘婚配不當者。經該官吏媒合人等。通坐以枉法罪名。營求撥置之人。發邊衛充軍。○十七年令各王府結勘婚期文移所司。遷延半年之上者。聽王府舉奏治罪。○正德十一年奏准。各王府子女年應請封選婚者。長史教授即啓王覆查。一年二次類奏。若過期一年之上。輔導等官。以違制論。其請封選婚勘合到布政司。有措勒遲滯者。巡按官查究守巡官。年終將請封選婚已未完結。報本布政司呈部稽考。○十二年令各王府子女婚姻。止令布政司保勘奏請。不必轉行覈實。以致遲悞。○嘉靖三十七年議准。如有同姓爲婚者。不准受封。照依庶人子女事例。不給婚嫁。長史教授媒證人等。巡按御史提問。○萬曆

十年議准宗室子女年十五以上。奏行本境內官員軍民之家及居官入籍年久者。選擇婚配。務要家道清白年歲相應。雖係重結王親。亦必服屬無礙。方許題請授封成婚。如有遠方流移軍匠。并父祖過犯及本府軍校廚役子女。朦朧冒選者。革退另選。如已經授封成婚者。夫淑恭宜人等。革去封號。所生子女照擅婚例。止許請名。不許請封。郡縣主君等儀賓。革去職事。各該保勘員役及主婚媒證人等。依律治罪。如有營求撥置情由。及本府軍校廚役與王府爲婚者。俱問發邊衛永遠充軍。萬曆七年例其初選有之日。長史教授等官。取具媒證人等。甘結重加保勘。申呈巡按御史轉行布政司覈勘無礙。照依類奏事例。於每季仲月具奏一次。先期巡按御史行長史教授等官。啓王具本齊發。其布政司文結免其復具。止用長史教授等官。黏連媒證人等。甘結繳部。若王奏已到而巡按奏未到。按季咨都察院行催。如巡按奏先到。一面查題。遲至半年以外。而王奏與長史教授等。結未到者。每上下半年同名封類。參一次。行巡按御史將輔導等官。提問坐以抑勒之罪。

請婚格式

某王臣某謹奏爲乞恩婚禮事。據某郡王某等啓稱。長子長孫鎮輔奉國將軍中尉某等。選到某氏等。各家道清白。年歲相應。堪爲婚配。伏乞轉奏等因。具啓到臣。查得宗藩要例內。選擇婚配一款。選有之日。長史教授等官。取具媒證人等。甘結重加保勘。申呈巡按御史轉行布政司。覈勘無礙。照依類奏事例。於每

季仲月具奏一次。先期巡按御史行長史教授等官啓王具本齊發。其布政司文結免其復具。止用長史教授等官黏連媒證人等。甘結繳部等因。今據某等選到某氏等。俱係某季。該請封人數已令長史教授某人查勘明白。申呈巡按衙門。覈實具奏外。伏乞勅下禮部。照例賜給封號。誥命等項。行令成婚。臣等不勝感戴天恩之至。爲此具本。專差校尉某齋捧。謹具奏聞。

計開

某郡王府

一長子長孫鎮輔奉國將軍中尉某。見年若干歲。係某王將軍中尉某妃夫淑恭宜安人某氏嫡生。

如係庶出者云。第幾妾某氏庶生。先於某年月日具奏請封選婚。於某年月日奉禮部某字幾號

勘合會選到某府州縣某籍某人嫡妻某氏所生第幾女某氏見年若干歲。堪爲婚配。

凡選娶職配。萬曆十年議准。凡親郡王妃病故。而未有子者。許奏請選繼。天順四年例止請勅封爲繼妃。不給

册命冠服。若元配題封之後。未及遣官行禮病故者。親王繼妃准給册命冠服。仍遣官册封。郡王繼妃止

給册命。不遣官册封。不給冠服。萬曆七年例如已有子不分嫡出庶出。俱不許選繼。止照內助事例。有妾推舉

一妾。無妾。奏選一人。以管理家事。撫育子女。不許請授次妃封號。弘治四年例將軍中尉正配病故。而未有子及

已經授封。未經成婚病故者。俱許選繼。如年五十以下子尙幼小者。亦許選娶內助。嘉靖二十年例若雖無子。

止奏選內助妾媵者聽從其便。

正德四年例

至于繼室病故而復無子者亦止許選妾不許再奏選繼其親王

世子郡王長子不分有無子嗣俱准選繼以其承宗祧止請勅知會俟襲封王爵之日世子繼妃進封爲

親王繼妃長子繼夫人進封爲郡王繼妃一體遣官冊封世孫長孫亦照世子長子例行。

萬曆九年例

奏請格式

一選娶繼配

某王臣某謹奏爲乞恩遵例選繼事據世子世孫某等某郡王某等啓稱長子長孫鎮輔奉國將軍中尉

某等因嫡配妃夫淑恭宜安人某氏等病故乞要遵例繼選乞爲轉奏等因具啓到臣查得宗藩要例內

選娶繼配一款親郡王妃病故而未有子者許奏請選繼止請勅封爲繼妃不給冊命冠服若元配題封

之後未及遣官行禮病故者親王繼妃准給冊命冠服仍遣官冊封郡王繼妃止給冊命不遣官冊封不

給冠服將軍中尉正配病故而未有子及已經授封未經成婚病故者俱許選繼其親王世子郡王長子

不分有無子嗣俱准選繼以其承宗祧止請勅知會俟襲封王爵之日世子繼妃進封爲親王繼妃長子

繼夫人進封爲郡王繼妃一體遣官冊封世孫長孫亦照世子長子例行等因今據某等具啓前來已令

長史教授某等查勘明白理合按季開列類奏伏乞勅下禮部將某等照例題請准令於本境官員軍民

良家女內選娶一人以爲繼室臣等不勝感戴天恩之至爲此具本專差校尉某齎捧謹具奏聞

如親郡王止引

親郡王例將軍中尉止引將軍中尉例世子長子止引世子長子例其親郡王世子世孫長子長孫係單本具奏者做後開來歷格式敘於前奏內不必列計開

計開

親郡王

一某王某見年若干歲於某年月日具奏冊封爲某王某年月日具奏選婚奉禮部某字幾號勘合
一選到某府州縣某籍某人第幾女某氏爲配某年月日冊封爲某王妃某年月日入府成婚某年某月日病故並無所生子女例應選繼

世子世孫長子長孫

一某王世子世孫某郡王長子長孫見年若干歲於某年月日具奏冊封爲某爵某年月日具奏選婚奉禮部某字幾號勘合選到某府州縣某籍某人第幾女某氏爲配某年月日冊封爲某妃夫
人某年月日入府成婚如有子嗣有出無子嗣無出某年月日病故例應選繼

將軍中尉

一某府將軍中尉某見年若干歲於某年月日具奏授封爲某爵某年月日奉禮部某字幾號勘合
選到某府州縣某籍某人第幾女某氏爲配某年月日授封爲某夫淑恭宜人某年月日入府成婚某年月日病故並無所生子女例應選繼如係未封未婚病故者俱於爲配下云

一 選娶內助

某王臣某謹奏爲乞恩選娶內助事。據某郡主某等啟稱：妃夫淑、恭、宜安人某氏等病故，乞要遵例選娶內助。乞爲轉奏等因。具啓到臣。查得宗藩要例內選娶繼配一款：親郡王妃病故，如已有子，不分嫡出庶出，俱不許選繼。止照內助事例。有妾推舉一妾，無妾奏選一人，以管理家事。撫育子女。將軍中尉正配病故，如年五十以下，子尚幼小者，亦許選娶內助等因。今據某等具啟前來，已令長史教授某等查勘明白。理合按季開列類奏。伏乞勅下禮部，將某等照例題請。准令於本境官員軍民良家女內選娶內助。就作本位第一妾。臣等不勝感戴天恩之至。爲此具本專差校尉某齋捧謹具奏聞。

計開

某郡王府

一 某王鎮輔奉國將軍中尉某。見年若干歲。於某年月日。奏請授封爲某爵。於某年月日。奉禮部某字幾號勘合。選到某府州縣某籍某人第幾女某氏爲配。於某年月日。授封爲某妃。夫淑、恭、宜安人。於某年月日病故。除報喪外。並未娶有妾媵。遺下子女無人撫育。例應選娶內助。如本位下有妾者病故。下

云。因年足若干歲。正配無出。先於某年月日。奉禮部某字幾號勘合。選到某府州縣某籍某人第幾女某氏爲第一妾。例應選爲內助。

凡妾媵限制。正德四年。令凡長女已爲王妃。復將次女進與爲妾者。罪坐所進之人。○嘉靖二十三年議

准各王府選娶妾媵俱要預行奏請其奏內必明開年紀若干有無嫡子及曾否娶有幾妾候禮部查明果係乏嗣及例應娶之數方與行文覆勘是實方許選娶例外濫收者聽禮部參題革退○萬曆十年議准凡親王妾媵許奏選一次多者止於十人世子及郡王額妾四人長子及將軍額妾三人中尉額妾二人弘治間例世子郡王選婚之後年二十五歲嫡配無出具啓親王轉奏長史司仍申呈巡按御史覈實具奏於良家女內選娶二人以後不拘嫡庶如生有子則止于二妾至三十歲復無出方許仍前具奏選足四妾長子及將軍中尉選婚之後年三十歲嫡配無出照例具奏選娶一人以後不拘嫡庶如生有子則止於一妾至三十五歲復無出方許仍前具奏長子將軍娶足三妾中尉娶足二妾至于庶人必年四十以上無子方許奏選一妾嘉靖三十一一年例凡選妾禁例悉如選婚不許濫選流移過犯及本府軍校廚役之家各王府每年備將妾媵姓氏來歷并入府年月攢造文冊送部其子女生年月日并名位行次卽填注本妾項下以備名封查考但有不遵明例或年未及而預陳或已生子而復娶將本宗參奏罰治所生子女中尉以上照濫妾例行庶人不給名糧

奏選格式

某王臣某謹奏爲乞恩選娶妾媵事據某郡王某等啟稱本王長子長孫鎮輔奉國將軍中尉某等妃夫淑恭宜安人某氏無出某等年足若干歲乞要照例選娶等因具啓到臣查得宗藩要例內妾媵限制一

款世子郡王選婚之後年二十五歲嫡配無出具啓親王轉奏長史司仍申呈巡按御史覈實具奏於良家女內選娶二人以後不拘嫡庶如生有子則止於二妾至三十歲復無出方許仍前具奏娶足四妾長子及將軍中尉選婚之後年三十歲嫡配無出照例具奏選娶一人以後不拘嫡庶如生有子則止於一妾至三十五歲復無出方許仍前具奏長子將軍娶足三妾中尉娶足二妾至於庶人必年四十以上無子方許奏選一妾等因今據某等具啓前來已令長史教授等官某等查勘明白申呈巡按衙門覈實具奏外理合按季開列類奏伏乞勅下禮部將某等照例准令於本境官員軍民良家女內選娶一人以爲第幾妾臣等不勝感戴天恩之至爲此具本專差校尉某廝捧護具奏聞

如世子郡王奏內止云世子郡王例長子將軍中尉奏內止云中尉例

某郡王府

一世子某郡王長子長孫鎮輔奉國將軍中尉某等見年若干歲於某年月日奏請授封爲某爵嫡配某氏於某月日奉禮部某字幾號勸合授封爲妃夫淑恭宜安人並無生有子嗣例該選妾二

妾媵册式

某王某某位下除正妃外妾幾人

第一妾某氏係某府州縣某籍某人第幾女某年月日奉禮部某字幾號勘合選娶某年月日入府

成婚某年月日故如係隆慶五年以前止開例前以禮娶到不開勘合號數

第一子某某年月日生某年月日奏報某年月日賜名某年月日封後有子以次開遺若原無所生子

第一女某某年月日生某年月日奏報某年月日封後有女以次開遺若原無所生子

第二等妾前

某郡王某位下除正妃外妾幾人

第一妾某氏係某府州縣某籍某人第幾女某年月日奉禮部某字幾號勘合選娶某年月日入府

成婚某年月日故如係嘉靖二十三年以前止開例前以禮娶到不開勘合號數

第一子某某年月日生某年月日奏報某年月日賜名某年月日封後有子以次開遺若原無所生子

第一女某某年月日生某年月日奏報某年月日封後有女以次開遺若原無所生子

第二等妾前

鎮國將軍某位下除夫人某氏外妾幾人

第一妾某氏

輔國將軍某位下除夫人某氏外妾幾人

第一妾某氏

奉國將軍某位下除淑人某氏外妾幾人

第一妾某氏

鎮國中尉某位下除恭人某氏外妾幾人

第一妾某氏

輔國中尉某位下除宜人某氏外妾幾人

第一妾某氏

奉國中尉某位下除安人某氏外妾幾人

第一妾某氏

以上俱照前式開造

凡庶人婚嫁。景泰三年詔各王府庶人子女長成。或無父母婚姻。又無人敢與議配。所在官司審察。具名奏來處置。○天順四年奏准。宗室降爲庶人者。其子女婚嫁。有司每人與四表裏首飾銀二十兩。豬四口。羊四隻。自令婚配。○萬曆七年議准。各王府庶男婚。資照庶女例。一槩免給。

凡擅婚子女。嘉靖二年。令王府有不遵禁約。擅自成婚者。俱革退另選。○二十八年題准。王府擅自擇選。

繼室已經革封者其所生子女照革爵庶人所生例不許請乞封號以後違例擅婚者視此○萬曆七年議准凡查出擅婚照例分別成婚在嘉靖二十八年以前者所生子女已封者免革未封者查無別礙姑准請封成婚在二十八年以後者所生子女仍照例止許請名不許請封其已封者姑准半祿終身日後子孫一體止給名糧○十年議准宗室奏選正配選有之日仍奏請封號候有成命方許成婚若成婚在未封之先者謂之擅婚所生之子止許請名不許請封年足十五歲以上歲給口糧五十石本折中半兼支其女任其擇配俱不給婚嫁之資嘉靖二十年例若不經奏選不請封號私自成婚者比之擅婚違礙尤甚所生子女比照濫妾例行如有聽繼王爵係擅婚私婚之子有礙請封者臨期請旨定奪

凡濫妾子女弘治九年議准王府有未成婚而先納宮人生子者所生子女不許請名請封○嘉靖四十四年議准王府有不經奏請濫娶妾媵及有以流移婦女有夫之妻并額外濫收者俱行查革其所生子女止給口糧○萬曆十年議准宗室庶生子女必其母妾係額內應娶人數曾經奏選明白者方准請名請封如不經奏選或增立陪從宮人名目或入府在正配未封之先皆爲濫妾查係額內人數所生之子姑准請名歲給本色米十二石若在額外者不給其女任其擇配俱不給婚嫁之資如有聽繼王爵係濫妾之子有礙請封者臨期請旨定奪

凡花生子女正德四年議准王府有濫收外人於宮闈內乳養者長史啓王嚴加禁約如違輔導官從重

治罪。○萬曆十年議准。宗室如有姦收樂女與不良之婦爲婚者。所生子女并選配夫人等。及儀賓已授封者。爵職封號祿米盡行革去。未授名封者。不許朦朧冒請。新生者不許造入玉牒。以混天潢。其女婦盡數逐出。樂工人等。俱問發邊衛。永遠充軍。本宗仍聽參奏降革。輔導官及保勘員役。一體治罪。正德四年例。

凡請封妃父。萬曆十年議准。親郡王還有婚配。奏請授封爲妃。卽將妃父授五城兵馬職銜。親王妃父授兵馬指揮。世子及郡王妃父授兵馬副指揮。移咨吏部銓注衙門。繼妃之父亦照例請授其次妃。及追封王妃之父。俱不許濫請。如妃父原有官職可稱及世子。郡王妃進封爲親王妃。其父已有職銜者。不必再請。洪武例。

凡釋放宮眷。正德三年題准。高牆庶人病故。所遺妾媵。照戶部題准事例釋放。仍拘父母親屬領出。嫁遣。若無父母親屬。量爲處置。踈放。勿令失所。○四年議准。今後各王府襲封之初。其先王侍從宮人。除有出者。仍留在府養贍。無出者。照例釋放。各將軍以下并庶人病故。其宮人無出者。亦照例。俱令原籍親屬領出。嫁遣。

儀賓婚配

凡儀賓婚配。洪武二十七年。令郡縣主之夫。都與宗府人儀賓職事散官。還照品級。俱授誥命。靖江王府女封郡君。壻之祿秩。比從四品一般。與儀賓職事。○宣德三年定。郡主儀賓秩從二品。縣主儀賓從三品。

郡君儀賓從四品。縣君儀賓從五品。鄉君儀賓從六品。若遇行禮，序于同等官員之左。○弘治間，令王府選擇儀賓，務要年及十五歲以上，人物長成俊秀者，方許具奏成婚。○又令各王府子女，不許於本府軍校之家選配。○又議准，各王府選中儀賓，本府長史教授俱要通送本處提學撥發讀書習禮，不時考驗，年至三十方止。○十六年，令儀賓因郡縣主君故求回還侍親者，不准。止許照天順年例，移親侍養。○嘉靖五年，令各王府選婚，有失倫序者，不許保結起送。○六年，議准，王府選取子弟婚畢，謝恩許於三年以裏舉行。如過三年者，照例治罪。○十六年，題准，宗室郡君等擇配，不係本土人氏，及擅自成婚者，止給冠帶榮身。○三十二年，定，鎮國中尉，授七品。宗塔職事，輔國中尉，授八品。宗塔職事，奉國中尉，授九品。宗塔職事。○又議准，各王府中尉女及選配子弟，聽禮部題請，授以宗女。宗塔名色，仍給與冠帶婚資。其冠服宗塔視文職。宗女視命婦。其宗塔就各該王府冠帶，謝恩不必赴京，仍聽其自便，不必在府隨衆朝參。○三十四年，議准，選到儀賓，有未婚而郡縣主君病故，要將次女續親者，聽仍准改給誥命。○四十四年，議准，選中儀賓，除出親郡王者，照舊赴京外，鎮國將軍以下儀賓，及各中尉宗塔，俱免其赴京。年終類奏，其儀賓誥命，祿米從人，照例題給。○萬曆七年，議准，親郡王儀賓，例給祭典外，其餘悉從裁革。凡主君夫亡而乏子嗣可依者，照舊贍給。若有子嗣夫亡，及儀賓于主君亡日，卽住支常俸，不許虛冒。○十年，議准，親郡王及將軍之女，選中儀賓，俱免赴京謝恩。選有之日，長史教授等官，申呈撫按衙門，詳允就便。

冠帶成婚各於年終具本類奏。萬曆七年例如所選儀賓有未成婚而病故者許另選婚配。嘉靖四十四年例其儀賓成婚之後各王府照例請給誥命祿米從人該布政司仍具結到部以憑題覆奏請期限照男選婚女請封例如過期十年以下查題十五年以下行勘十五年以上立案。

奏請格式

某王臣某謹奏爲乞恩請給誥命祿米事據某郡王某等啓稱本王長子長孫鎮輔奉國將軍某嫡庶第幾女某縣主郡縣鄉君等會選到某府州縣某籍某人嫡長次男某等例該請給誥命祿米從人等項乞爲轉奏等因具啓到臣查得宗藩要例內儀賓婚配一款親郡王及將軍之女選中儀賓俱免赴京謝恩選有之日長史教授等官申呈撫按衙門詳允就便冠帶成婚各王府照例請給誥命祿米從人該布政司仍具結到部以憑題覆等因今據某縣主郡縣鄉君選配子弟某等已令長史教授某查勘明白申呈撫按衙門詳允就便冠帶成婚訖例該請給誥命祿米從人理合按季開列類奏伏乞勅下禮部照例將某縣主郡縣鄉君選配子弟某等授以縣主郡縣鄉君儀賓職事賜給誥命祿米從人等項臣等不勝感戴天恩之至爲此具本專差校尉某齎捧謹具奏聞

計開

某郡王府

一某王長子、長孫鎮輔、奉國將軍某嫡庶第幾女某縣主、郡縣鄉君、見年若干歲、妃、夫、淑人某氏於某年月日嫡生、如係庶出者、云第幾妾某氏、於某年月日庶生、於某年月日具奏請封選婚、於某年月日奉禮部某字幾號勘合、會選到某府州縣某籍某人、嫡長、次男某、見年若干歲、先於某年月日申呈撫按衙門、詳允就便冠帶成婚訖、

凡儀賓恩卹、萬曆十年議准、儀賓祿米因於郡縣主君、丁憂仍全給、至妻亡之後、截日住支、若儀賓先故、不分有無子嗣、郡縣主君等、亦止半給養贍、誥命仍許請給、其儀賓身後卹典、一槩停免、至於中尉之女、聽從選配、不必請授宗女宗壻名色、亦不給與婚嫁之資、長史教授等官、將選配子弟開報、巡撫衙門、徑行給割冠帶成婚、量免本身雜泛差役、仍聽自便、不必在府朝參、如有志舉業、不願冠帶者、聽其與民生一體考選、應舉出仕、與曆七年例

【宗學】書院附】

凡修明宗範、正德十四年、令吏部于各王府長史、紀善、伴讀、教授等官、務擇學行優長、堪為師範者、除授凡世子、衆子、長子、將軍、中尉等、年未弱冠者、各隨資、實嚴立課程、教養如法、不得虛應故事、撫按提學等官、訪其賢否、勤惰以聞、○萬曆十年題准、凡宗室之子、年十歲以上、俱入宗學、其師即以本府教授、紀善等官、選取學行俱優者充之、若宗生衆多、則分置數師、或於宗室中推舉一人為宗正、主領其事、令各生

誦習皇明祖訓孝順事實爲善陰隲等書。至于四書五經史鑑性理亦相兼講讀。俟年至十五許照例請封。先給祿米三分之一。仍習學五年。驗有進益。親王方與奏請出學。支本等全祿。嘉靖四十四年例。另城者該府郡王或管理府事者奏請。其有放縱不循禮守法者。學師具啓各該親郡王。小則徑自調責。大則參奏降革。

書院

凡奏討書籍。萬曆十年議准。宗室中有讀書好禮。奏討書籍及以書院請名者。禮部俱與題覆請給。但不許假借虛名。以滋欺罔。書籍簿數。書院名額。俱取自上裁。其蓋造書院。止令自備工料。不得因而干涉。有司煩擾百姓。違者許撫按官參治。嘉靖四十四年例

【府第】

聖祖定邸殿制度。俱從儉朴。至今守而弗失。其後郡王以下故絕者。有分撥入官之例。

凡府第。洪武九年。命中書省臣作親王宮室。務從儉朴。不得宮飾朱紅。室飾大青綠。

凡絕府產業。嘉靖四十四年議准。凡郡王故絕府第屯廠。暫歸親王掌管。待有新封。轉給或入官召佃。以充祿入之資。郡縣主君房屋亦同。○萬曆七年議准。郡王故絕無人管理奉祀者。例前官給府第候宮眷。終後仍入官變賣。以充祿糧。○十年議准。郡王故絕所遺府第屯廠莊田等項。教授等官逐一查理明白。

中呈撫按衙門。除嘉靖四十四年例前官給府第。聽管理奉祀者承住。安奉香火外。如有原出。親王撥給者。仍留宮眷養贍。身終之後。復歸親王。若郡王存日。有自置產業。量給三分之一。與管理奉祀者。爲歲時祭祀之需。其餘皆留宮眷養贍。身之終聽。後有司從公分給。親支如無人管理。奉祀者其府第別產聽從宮眷變賣養贍。

【內官內使】廚校及收買子女物件附

凡內官內使。洪武間定。親王府內官十員。承奉司承奉正。正六品。副從六品。典寶所典寶正。正六品。副從六品。典膳所典膳正。正六品。副從六品。典服所典服正。正六品。副從六品。各門官門正。正六品。副從六品。內使十名。司冠。司衣。司佩。司履。各一名。司樂。司弓。矢。各二名。○正統九年。令各王府如有孀居郡縣主君。親王量撥老成內使。看守門戶。○弘治九年。奏准。各王府缺少內官內使。司禮監擇其老成讀書者。具奏照缺給賜。以後有缺。奏除。其郡王府每府給與內使二名。專管宮闈事務及關防門禁。

凡保陞內官。正德三年。令各王府內使。不係欽撥者。不准乞恩保陞。○四年。議准。王府承奉等官。弁郡王內使。俱有定額。不許額外濫保。及擅立內典膳職名。希圖保陞。違者罪坐營求之人。及輔導等官。○萬曆十年。題准。王府承奉等官。額設一正一副。俱照次序遷轉。承奉正副員缺。該典寶正副。揆補。典寶正副員缺。該典膳正副。揆補。典膳正副員缺。該典服正副。揆補。典服正副員缺。該門官。揆補。門官員缺。該內使。陞

補不容一槩濫請。其各處無名內使私自淨身人等。有託故擅入王府。因而撥置害人。貽累宗室者。撫按官嚴加禁治。正德十年例。若各王府收用私自淨身之人。及有違例保陞者。聽禮部查參。并將長史等官究治。

嘉靖四十四年例

凡奏討內使。萬曆十年議准。親王內使。如司冠、司衣、司佩、司履、司樂、司弓矢之屬。總數不過十名。若果原額缺人。具實奏討。司禮監擇其老成讀書者。量撥四名。世子及郡王原未經撥給者。各量撥二名。其將軍中尉不許違例濫請。嘉靖四十四年例。至于內使冠帶限以到府年分。親王內使須歷十年之上。郡王內使須歷十二年之上。方許具奏請給。年淺者不得朦朧奏討。嘉靖八年例。其淨身男子。平巾查係禮部分撥者。方與題請。若各王府私收者。不准。

廚校
廚校尉
廚校尉詳見兵部車駕司

六品各門官門五五六品

凡郡王府校。隆慶四年議准。各郡王民校。民廚。不分例前例後。每位民校二十名。每名徵銀十兩。民廚二名。每名徵銀八兩。其看墳民校。有宮眷者。准留六名。無宮眷者。准留三名。每名徵銀八兩。僉派送用。○六年議准。王府民校。原係徭編雇役。有姦徒冒充者。查革問遣。○萬曆十年議准。郡王府役。止許撥給二名。有護衛儀衛去處。護衛儀衛撥給。無護衛儀衛者。有司撥給。嘉靖三十四年例。其校役不拘郡王舊封新封。俱以二十四名為額。除原保護衛僉撥者。仍於本衛僉撥外。其不保護衛僉撥者。有護衛去處。該衛撥與軍餘

十二名。民間僉派十二名無護衛去處。俱於民間僉派。嘉靖八年例。每名每年於徭編內。民廚徵銀十兩。民校徵銀十二兩。解赴布政司。轉發該府雇人代役。原撥民廚民校。掣回有司當差。不許仍令身當隱蔽差役。如有占慳不發者。聽撫按官參奏。其絕封郡王府除另城管理府事者。量留民校十名。照例徵銀雇役外。其餘民校民廚盡數發還。有司原係徵銀者免派。若革除親王墳所給守墳軍校五名。

收買子女并物件

凡收買子女物件。嘉靖四十四年議准。各王府收買子女。照依弘治年例。不過二十人。以後俱不准收。毋得藉口缺人。援引遠年事例。夤緣請乞。違者將輔導官參治。○又議准。王府應買物件。但於本地收買。不許瀆奏。求往他處。及擅自差人貿易。違者事發。將本爵罰住祿米。承委人員從重問罪。

【獎諭】

宗室爲善者。獎諭示勸。故有賜勅賜物之例。

凡旌表節孝。正德八年奏准。王府如有節孝及卓異行跡。查奏前來。禮部照例請勅獎諭。但不許奏請建立牌坊。○嘉靖九年定。宗室有孝行實跡等項。應旌獎者。許親王奏來。若係親王。則令撫按官奏來。仍行勘明。寫勅遣官往諭。并賜以銀段羊酒。○萬曆十年議准。宗室中有孝友兼至及婦女守節貞烈。足以激勸風化者。各具實跡奏聞。以憑覈勘明白。或立坊旌表。或請勅獎諭。或加贈封號。長史教授官并宗儀人

等不許需索抑勒亦不許扶同欺罔有孤恩典

【過犯】（禁例附）

凡過犯有重輕輕者治其黨與重者本身發高牆或開宅子孫降爲庶人或俱禁住其後或以慶恩子孫間得開釋云

凡宗室過犯洪武六年定親王有過重者遣皇親或內官宣召如三次不至再遣流官同內官召之至京天子親諭以所作之非果有實跡以在京諸皇親及內官陪留十日之間五見天子然後發放雖有大罪亦不加刑重則降爲庶人輕則當因來朝面諭其非或遣官諭以禍福使之自新○弘治九年令親王所行未善長史等官從容諫正至再至三不聽事情重者密切具奏其郡王所爲不合禮度者教授勸正如其不聽啓親王密切戒勉如再不聽親王具奏事情輕者降勅切責若干宮壘重事差內官皇親前去體勘至日處治親王有過專罪輔導官郡王有過專治內使教授其親王府輔導官務日請王講讀經史王子亦要讀書習禮各府將軍該府親郡王自行禁治若互相容隱不行禁治許鎮巡等官將所爲不法事會本具奏上請區處○正德四年議准宗支罪犯深重降革爵秩者郡王將軍而下不許代爲請復違者罪坐輔導官○嘉靖十六年奏准宗室有犯事情輕者照常奏請犯該殺死平人及事情重大者從重奏請定奪投充撥置之人查照見行事例問擬○四十四年議准郡王以下有非法不道怙惡違調者俱降

爲庶人押發高墻居住。○又議准宗室有罪降革遷發省城內開宅者子孫不得瀆奏俸脫。

凡罪宗萬曆十年議准罪宗庶人止與名糧。

見戶部

凡男女婚嫁之資一槩免給其高墻開宅正犯已故所

遺家屬許各該撫按官奏請釋放送回本府居住。

嘉靖四十四年例

仍備查先年所犯情由如係黨逆干紀罪惡

深重者子孫止從寬釋不許濫請名糧若犯該敗倫傷化人命強盜等情見在子孫許其請名歲各給本

色米十二石身終卽止其有止犯越關訐奏等項請名之後亦各歲給本色米十二石日後子孫如之。

萬曆

九年例如止遺母妻無子孫可倚賴者歲給養贍米各六石終身私收妾媵止許釋放不在養贍之列。

凡庶人冠帶萬曆十年議准凡罪犯革爵及擅婚濫妾越關過期各庶人准給口糧養贍俾無失所已爲

恩厚更不許請乞冠帶以濫朝廷名器如違例瀆奏一槩立案不行。

禁例

洪武六年令凡王國內除額設諸職事外並不許延攬交結奔競俊巧智謀之士亦不許接受上書陳言如有此等之人王雖容之朝廷必正之以法然不可使王驚疑或有智謀之士獻于朝廷勿留。○弘治十二年議准撫按并三司以下衙門如遇各長史司傳道一切令旨須看詳計議當施行者卽爲施行若事情重大會奏請旨其長史司官奉王令旨行事務要停當有窒礙難行者當竭忠諫止如有懷姦倚勢撥置親王以徇私情害地方者撫按三司等官會同參奏治罪。○十三年奏准各處樂工縱容子女擅入王

府及容留各府將軍中尉在家行姦并軍民旗校人等與將軍中尉賭博誑哄財物及擅入府內教誘爲非者俱開發邊衛充軍該管色長革役○十六年令各處軍民人等不得私交王府因而借索財物誘請遊宴撥置爲非違者所在官司體訪擊問郡王以下教授等官諫阻不從啓親王奏聞區處○正德四年議准王府如有無藉之徒假以燒丹煉藥等項爲由往來誑惑以致壞事者鎮巡等官從重開發○又令王府不許僧尼女冠出入宮禁及私自建立寺觀○十六年詔各處無藉姦人遊食術士及無名內使私自淨身人等有託故擅入王府因而撥置害人貽累宗室者撫按官嚴加禁治○嘉靖十年題准凡親王名諱今後文武衙門除備抄各王奏詞并各衙門題奏本內不諱外其餘一應文移係各該衙門自行出語者止許稱爵不得書名

國家圖書館



005474351

